

四庫全書薈要

• 乾隆御覽本

集部

庚子山集卷十

周 庾信 撰

錢塘倪璠纂註

讚

黃帝見廣成子讚

莊子曰黃帝聞廣成子在崆峒之上故往見之  
廣成子南首而臥黃帝頓下風膝行而進再拜  
稽首而問曰治身奈何而可以長久廣成子  
語以至道黃帝拜稽首曰廣成子之謂天矣

治身紫府問政青丘

抱樸子曰黃帝東到青丘見紫府  
先生受三室內文以勅召萬神又

曰項曼都言到天上先過紫府金牀玉几晃晃昱昱東方朔十洲記曰長洲一名青丘在南海辰巳之地一洲之上專是林木故名青丘司馬相如烏有賦曰秋田乎青丘服虔曰青丘國在東海東三百里郭璞云青丘山名有田亦有國出

龍湖鼎沒丹竈珠流

史記曰黃帝採首山銅以鑄鼎

九尾狐在海外

鼎成有龍下迎地仙去小臣攀龍髯而上者七十二人

魏地上記曰弘農湖縣有軒轅黃帝登仙處郊祀志曰

少君言上祀竈皆可致物致物而丹砂可化為黃金黃

金成以為飲食器則益壽益壽而海中蓬萊仙者迺可

見之以封禪則不死者黃帝是也

踈雲即雨落木先秋

莊子廣成子曰自而治天下雲

氣不待族而雨草木不待黃而落

至道須極長生可求

即莊子云黃帝周治身奈何而

可以長久廣成子語以至道是也

# 堯登壇受圖讚

尚書中候曰帝堯即政七十載脩壇河洛仲月  
辛日禮備至於日稷榮光出河休氣四塞龍馬  
街甲赤文綠色登壇吐甲圖宋均曰稷側也論  
語考比犧仲尼曰吾聞帝堯率舜等升首山觀  
河渚見五老入於河一老曰河圖將來告帝期  
又一老曰山川魚鼈荷聖恩又一老曰河圖推  
龍銜玉繩歌訖五  
老飛於天入於崑

## 登壇洛汭沈玉河湄

許慎曰水涯曰汭釋名曰湄眉也  
臨水如眉臨目也尚書中候曰堯

沈璧於河白雲起迴風搖落言帝  
堯築壇洛水之涯臨河沈玉也

## 丹圖馭馬綠甲乘龜

鄭康成以為河圖洛書龜龍銜負而出如中候所說龍  
馬街甲赤文綠色甲似龜背表黃九尺上有列宿斗正

之度帝王錄紀興亡之數是也  
孔安國以為河圖即八卦是也  
榮光上幕休氣連帷尚書

中候曰帝堯文明榮光出河休氣四塞  
鄭康成曰休美也四塞炫耀四方也  
雖存克讓於見

文思

堯典曰欽明文思安安

舜舞干戚讚

尚書禹拜昌言曰俞班師振旅乃誕敷文德舞干羽於兩階七旬有苗格

平風變律擊石來儀

杜預曰歌者吹律以詠八風周禮凡樂有一變至九變虞書曰於予

擊石搏石百獸率舞又曰蕭韶九成鳳凰來儀

先齊七政更服三危

虞書曰瑤璚玉衡以

齊七政孔安國曰七政日月五星各異政也書又曰窺三苗於三危孔安國曰三危西裔括地志云三危山有

峰故曰三危俗亦名卑羽山  
在沙州墩煌縣東南三十里

朱干獨舞玉戚空麾

尚書正義

曰釋言云干杆也孫炎曰干櫛自蔽杆也以櫛為人杆  
通以干為櫛名故干為櫛郭璞曰舞持以自蔽翳故明  
堂位云朱干玉戚以舞大武  
戚斧也是武舞執斧執櫛也  
南風一曲恭已無為  
禮記曰昔者舜作五絃之琴以歌南風恭已無為見論語

## 禹渡江讚

呂氏春秋曰禹南省方濟於江黃龍負舟舟中  
之人五色無主禹仰視天而嘆曰吾受命於天  
竭力以養人生性也死命也奈何憂於龍焉龍  
俛首低尾而逝則禹達乎死生之命利害之經  
也

# 三江初鑿九谷新成

禹貢曰三江初入史記索隱注韋昭云謂吳松江錢塘江陽江地理

志有南江中江北江是為三江其南江從會稽吳縣南

東入海中江從丹陽蕪湖東北至會稽陽羨縣東入海

北江從會稽毗陵縣北東入海故下文東為中江又東

為北江孔安國曰有北有東南可知也吳地記云松江

東北行七十里得三江口東北入海為婁江東南入海

為東江并松江為三江史記曰惟禹之功為大披九山

按山之深處為谷故詩云高風飛鷁涌水起龍驚

岸為谷是九山得稱九谷矣

曰鷁水鳥也畫其象於船首淮

南子曰龍舟鷁首天子之東也

樂天知命無待憂生

繫辭曰樂天知命故不憂即禹所

謂受命於天生性死命之說也

危舟遂靜亂檣還平

漢書師古曰檣

所以刺船也

# 湯解祝網贊

呂氏春秋曰湯見祝網者置四面其祝曰從天  
墜者從地出者從四方來者皆離吾網湯曰嘻  
盡之矣非桀孰為此者湯收其三面置其一面  
更教祝者曰昔蛛蟄作網罟今之人學紆欲左  
者左欲右者右欲高者高欲下者下吾取其犯  
命者漢南之國聞之曰湯之德及禽獸矣四十  
國歸之人置四面未必得鳥湯去其三面  
置其一面以網其國四十非徒網鳥也

## 連珠兩起合玉雙沈穀為祥樹桑成樂林

史記殷本紀云太戊立亳

有祥桑穀生於朝一暮大拱太戊懼問伊陟伊陟曰帝  
之政其有闕與帝修其德太戊從之而祥桑穀枯死殷  
復興諸侯歸之故稱中宗尚書孔安國傳曰祥妖怪也  
二本合生不恭之罰左氏傳曰宋公享晉侯於楚邱請



以桑林杜預曰桑林天子之樂名皇甫謐云殷樂一名桑林以桑林為大獲別名也

三方落網一

面驅禽德矣聖政仁乎用心

文王見呂尚讚

史記曰呂尚以漁釣干周西伯西伯將出獵卜之曰所獲非龍非鰲非虎非羆所獲霸王之輔於是周西伯獵果遇太公於渭之陽與語大悅曰自吾先君太公曰當有聖人適周周以興子真是耶吾太公望子久矣故號之曰太公望載與俱歸立為師

言歸養老

語出孟子

垂釣西川

西川渭也

岸止磻石溪惟小船

鄭元水經注曰磻溪中有泉謂之茲泉積水為陣即太公釣處今謂之凡谷有石壁深高幽邃人跡罕及東南

隅有石室蓋太公所居水次盤石釣處即太公垂釣之所其投竿跪餌兩膝遺跡猶存是磻溪之稱也其水清泠神異北流十里注於渭

風雲未感意氣怡然

易曰雲從龍風從虎言未遇文王之

時釣此磻溪其意氣怡然樂也

有此相望於茲幾年

望謂太公望也

## 武丁迎傳說讚

史記曰帝武丁即位思復殷而未能其佐三年不言政事決定於冢宰以觀國風武丁夜夢得聖人名曰說以夢所見視羣臣百吏皆非也於是乃使百工營求之野得傳說於傅巖中是時說為胥靡築於傅巖見於武丁武丁曰是也得而與之語果聖人舉以為相殷國大治故遂以傅巖姓之

號曰傳說

虞田路斷辭澗泉飛躬勞版築有弊韋衣賢臣入夢天

賜無違千巖之下遂得同歸

皇甫謐曰高宗夢天賜賢人胥靡之衣裳之而來曰

我徒也姓傅名說天下得我者豈徒也哉武丁悟而推之曰傅者相也說者懼悅也天下當有傅我而悅民者哉明以夢視百官百官皆非也乃使百工圖寫其形象求諸天下果見築者胥靡衣褐帶索執役於虞說之間傳巖之野名說以其得說傅巖謂之傅說尸子云傳巖在北海之洲孔傳言虞號之界也

### 成王刻桐葉封虞讚

呂氏春秋曰成王與唐叔虞燕居援梧葉以爲珪而授唐叔曰余以此封汝虞喜以告周公周公以請曰天子其封虞耶成王曰余一人與虞戲也周公對曰臣聞之天子無戲言天子言則

史書之工誦之士稱之  
於是遂封叔虞於晉

虞叔百里居河之汾帝刻桐葉天書掌文

左傳昭元年  
子產曰唐叔

虞當武王邑姜方震大叔夢帝謂己余命而子曰虞遂  
與之唐屬諸參而蕃育其子孫及生而有文在其手曰  
虞遂以命之及成王滅唐而封大叔焉故參為晉星由  
是觀之則實沈參神也昔金天氏有裔子曰昧為玄冥  
師生臺昭能業其官宣汾洮障大澤以處太原帝用嘉  
之封諸汾川沈姒蓐黃實守其祀今晉主汾而滅之矣  
由是觀之則臺昭汾神也是晉之建國  
居河之汾也天書掌文謂參為晉星也  
禮以成德樂以

歌薰天子無戲唐其有君

漢高祖置酒沛宮讚

漢書曰高祖姓劉氏諱邦字季沛豐邑中陽里人也項羽封為漢王後平羽立為天子高祖還過沛留置沛宮召故人父老子弟佐酒發沛中兒得百二十人教之歌酒酣上擊筑自歌大風起兮雲飛揚威加海內兮歸故鄉安得猛士兮守四方

遊子思舊來歸沛宮還迎故老更召歌童雖欣入沛方

念移豐

漢書地理志云京兆新豐高祖七年置應劭曰太上皇思東歸於是高祖改築城市街里以象

豐徙豐民以實之故號新豐

酒酣自舞先歌大風

漢武帝聚書讚

後漢書翟酺上言曰武帝大合天下之書注云武帝詔曰其令禮官勸學舉遺典禮舉遺謂校

求遺逸是合天下之書  
也此瓚聚書當謂是矣

# 獻書路廣藏書柱開

劉歆七畧曰漢武帝開獻書之路  
一年之間書積如丘山史記曰老

子周守藏室之史也索隱曰藏室史乃周藏書室之史  
也又曰張蒼為御史主柱下方書索隱曰周秦皆有柱  
下史所掌及侍立恆在殿  
柱之下故老聃為柱下史  
秦儒出谷漢簡吹灰

衛宏詒  
定古文

官書序曰秦始皇改古文為篆隸國人多謗乃召諸生  
至者皆拜為郎凡七百人畧令冬月種瓜於驪山矰谷  
中溫處瓜實使徃視之先為伏機諸生方相論辨發機  
填之以土皆終命顏師古漢書注曰今新豐溫湯之處  
號愍儒鄉溫湯西南三里有馬谷谷之西岸有阮古老  
相傳以為秦阮儒處也漢簡吹灰者謂求之於秦人灰  
爐之餘也  
芝泥印上玉匣封來

言漢時得書皆  
金繩玉檢也

坐觀風俗不

出蘭臺

續漢書曰蘭臺令史六人秩六百石掌書勅奏及印主文書

袁盎諫文帝讚

史記曰孝文帝出趙同驂乘袁盎伏車前曰臣聞天子所與共六尺輿者皆天下豪英今漢雖乏人陛下獨奈何與刀鋸餘人載於是大笑下趙同趙同泣下車文帝從霸陵上欲西馳下峻阪袁盎騎並車擎轡上曰將軍怯耶盎曰臣聞千金之子坐不垂堂百金之子不騎衡聖主不乘危而徼幸今陛下縱自輕奈高廟太后何上乃止袁驚車敗陛下縱自輕奈高廟太后何上乃止袁

字或作爰

千乘峻轍六轡危行

東都賦曰千乘雷起萬騎紛紜濟曰千乘萬騎天子法駕也詩曰六

書在手峻嶒危  
行謂下峻阪也

跡迴松坂山叙

疑作斜

柳城

松坂峻坂也水經注曰霸

水西巡峽關

龍淵地狹華蓋風驚

龍淵劍名吳越春秋曰楚王召風胡子而

告之曰寡人聞吳有干將越有歐冶寡人欲因子請此  
二人作劍可乎曰可乃往見二人作劍一曰龍淵又三

輔黃圖有龍淵廟在茂陵東華蓋天子之蓋也在豹古  
今注云黃帝所作又西京雜記曰終南山有樹直上百

丈無枝上結蓂條如車蓋葉一青一赤望之  
斑駁如錦繡長安謂之丹青樹亦云華蓋樹

賢臣攬轡

可謂忠貞

賢臣謂袁盎也

## 朱雲折檻讚

漢書曰朱雲字游魯人也成帝時丞相故安昌  
侯張禹以帝師位特晉甚尊重雲上書求見公



卿在前雲曰今朝廷大臣上不能匡君下亡以  
益民皆尸位素餐孔子所謂鄙夫不可與事君  
苟患失之無所不至也臣願賜尚方斬馬劍斬  
佞臣頭一人以厲其餘上問誰也對曰安昌侯  
張禹上大怒曰小臣居下訕上廷辱師傅罪死  
不放御史將雲下雲攀檻檻折雲呼曰臣得下  
從龍逢比干遊於地下足矣未知聖朝何如耳  
於是左將軍辛慶忌免冠解印綬叩頭殿下曰  
此臣素落狂直於世使其言是不可誅其言非  
固當容之臣敢以死爭慶忌叩頭流血上意解  
然後得已及後當治檻上曰  
勿易因而輯之以旌直臣

上書直諫有忤明君先求斬馬遂請魚文身摧欄檻義

烈風雲應從御史翻賴將軍

應從御史者謂上怒御史  
將雲下也翻賴將軍者謂

左將軍辛慶忌以  
死爭乃得免也

# 周公戒伯禽讚

尚書大傳曰伯禽與康叔朝於成王見周公三  
見而三笞之康叔有駭色乃與伯禽問於商子  
商子曰南山之陽有木名橋北山之陰有木名  
梓二子盍往觀焉二子往觀之見橋木高而仰  
見梓木實而俯反以告商子商子曰橋者父道  
也梓者子道也二子明日復見入門而趨登堂  
而跪周公迎拂其首而勞之曰汝安  
見君子乎二子以實對公曰君子哉

伯禽居魯鳴玉來朝周公政治為國風謠北山有梓南  
山有橋禮容雖備俯仰無驕

# 五月披裘負薪讚

皇甫謐高士傳曰披裘公者吳人也延陵季子出遊見道中有遺金顧披裘公曰取彼金投鎌公瞋目拂手而言曰何子處之高而視人之卑五月披裘而負薪豈取金者哉季子大驚既謝而問姓名公曰吾子皮相之士何足語姓名也

披裘當夏俗外為心雖逢季子不拾遺金禽巢欲遠魚沈惟深清聲滅跡何必山林

# 王祥扣冰魚躍讚

晉書曰王祥字休徵瑯琊臨沂人性至孝後母朱氏常欲生魚時天寒冰凍祥解衣將剖冰求

之冰忽自解雙魚躍出持之而歸

王祥之母鮮鱗是求冰連釣浦凍塞寒流精誠有感無假沈鈎二老同膳雙魚共浮

### 孫叔敖逢蛇讚

賈誼新書曰孫叔敖為兒時出道上見兩頭蛇殺而埋之歸見其母泣問其故對曰夫見兩頭蛇者必死今出見之故爾母曰蛇今安在對曰恐後人見殺而埋之矣母曰夫有陰德必有陽報爾無憂也後遂興於楚朝及長為楚令尹

叔敖朝出容悴歸家母氏顧訪知埋怪蛇爾有陰德陽

報將加終為楚相卒享榮華

高鳳好書不知流麥讚

後漢書曰高鳳字文通南陽葉人也少為書生  
家以農畝為業而專精誦讀晝夜不息妻嘗之  
田曝麥於庭令鳳覆雞時天暴雨而鳳持竿誦  
經不覺潦水流麥妻還怪問鳳方悟之其後遂  
為名儒乃教授  
業於西唐山中

高鳳好學專心不迴流連經笥對翫書臺石門雲渡銅  
梁雨來麥流雖遠書卷猶開

張良遇黃石公讚

史記曰留侯張良者其先韓人也韓破悉以家財求客刺秦王為韓報讐以大父父五世相韓故秦皇帝來遊良與客祖擊秦皇於博浪沙中誤中副車秦求賊甚急乃更名姓亡匿下邳嘗閒從容步遊下邳圯上有一老父衣褐至良所直墮其履圯下顧謂良曰孺子下取履良愕然欲歐之為其老強忍下取履父曰履我良棄為取履因長跪履之父曰孺子可教矣後五日明與我會此良因往之跪曰諾五日平明良往父已先在怒曰與老人期後何也去曰後五日早會五日雞鳴良往父又先在怒曰後何也去曰後五日復早來五日良夜半往有頃父亦來喜曰當如是出一編書曰讀此則為王者師矣後十年興十三年孺子見我濟北殺城山下黃石即我矣遂去無他言不復見旦日視之書乃太公兵法也

張良取履跪受無辭兵書一卷長者三期昔稱韓相今

為漢師穀城餘石還歸舊祠

史記曰留侯欲從赤松子遊乃學辟穀道引輕身始

所見下邳圯上老父與太公兵書者後十三年從高帝過濟北果見穀城下黃石取而葆祠之留侯死并葬黃

石冢每上冢伏

臘祠黃石留侯

## 師尚父授丹書讚

竹書紀年曰紂四十二年周武王元年西伯發  
受丹書於呂尚又曰季秋之甲子赤爵銜書及  
豐置於昌戶昌拜稽首受其文要曰姬昌蒼帝  
子亡殷者紂王將改史編卜之曰將大獲非桀  
非纆天遣太師以佐昌臣太祖史嚳為禹卜得  
皋陶其兆類此至於磻溪之水呂尚釣於涯王

下題拜曰望公七年乃見光景於斯尚立變名  
答曰望鈞得玉璜其文要曰姬受命呂宋提撰  
爾洛鈴報在齊尚出遊見赤人自授尚書命曰  
召佐呂者子文王夢月著其身又驚驚鳴於岐  
山玉春六旬五緯聚房後鳳凰街書遊文王之  
都書又曰殷帝無道虐亂天下星命不移不得  
復久靈祇遠離百神吹去五星聚房昭  
理四海文王既沒太子發立是為武王

尚父一遇周王是親赤雀既下丹書已陳自論秉鉞長  
別垂綸獨有磻石留名渭濱

### 榮啓期三樂讚

列子曰孔子遊於泰山見榮啓期行乎郊之野  
鹿裘帶索鼓琴而歌孔子問曰先生所以樂何



也對曰吾樂甚多天生萬物惟人為貴而吾得為人是一樂也男女之別男尊女卑故以男為貴吾得為男矣是二樂也人生有不見日月不免強祿者吾既行年九十矣是三樂也貧者士之常也死者人之終也處常得終當何憂哉孔子曰善乎能自寬者也

榮期三樂惟人與年夫子相遇即以為賢性靈造化風雲自然雅琴雖古獨有鳴絃

### 夫子見程生讚

子華子孔子贈篇曰子華子反自郛遺孔子於途傾蓋而顧相語終日甚相親也孔子命子路曰取束帛以贈先生子路肩然而對曰由問之士不中道相見女嫁無媒君子不以交禮也有問

又顧謂子路子路又對如初孔子曰國哉由也  
詩不云乎有美一人清揚婉婉兮邂逅相遇通我  
願兮今程子天下之賢士也於斯不贈則  
終身弗能見也小子行之亦見韓詩外傳

程生夫子一遇相知薄言傾蓋桑陰遂移清揚共美賢  
聖同羈陳詩難別贈絹傷離

### 鉏麇見趙盾讚

左氏傳曰晉靈公不君宣子驥諫公患之使鉏  
麇賊之晨往寢門闢矣威服將朝尚早坐而假  
寐麇退嘆而言曰不忘恭敬民之主也賊民之  
主不忠棄君之命不信有一於此不如死也觸  
槐而死

趙盾將朝端衣整笏

禮曰笏天子以球玉諸侯以象大夫以魚須文竹士竹又曰將通公

所以書思對命

鉏麇受命衝冠怒髮惆悵賢臣顧瞻城闕利劍

不抽青槐先絕

### 蔡澤就唐生相讚

史記曰蔡澤者燕人也遊學于諸侯小大甚衆  
不遇而從唐舉相曰吾聞先生相李兌曰百日  
之內持國秉政有之乎曰有之曰若臣者何如  
唐舉執視而笑曰先生曷鼻巨肩顴頰蹙顴膝  
擊吾聞聖人不相殆先生乎蔡澤知唐舉戲之  
乃曰富貴吾所自有吾所不知者壽也願聞之  
唐舉曰先生之壽從今以往者四十三歲蔡澤  
笑謝而去謂其御者曰吾持梁刺齒肥躍馬疾

驅懷黃金之印結紫綬於腰揖讓人主之前食  
肉富貴足矣後西入秦說應侯秦昭王召見與  
語大悅拜  
為客卿

蔡澤羈旅唐生決疑無勞神策不問靈龜富貴自取年  
壽須期雖云異相會待逢時

### 李陵蘇武別讚

漢書曰李陵字少卿天漢二年陵率步卒五千  
人出塞與匈奴戰力屈乃降匈奴中蘇武字子  
卿使匈奴二十二年不降昭帝即位匈奴與漢和  
親漢求武等於是李陵置酒賀武曰今足下還  
歸揚名於匈奴功顯於漢室雖古竹帛所載丹  
青所畫何以過子卿陵雖驚怯今漢且貴陵罪

全其老母使得奮大辱之積志庶幾乎曹柯之  
盟此陵宿昔不忘之志也收族陵家為世大戮  
陵尚復何顧乎已矣今子卿知吾心耳異域之  
人一別長絕陵起舞歌曰徑萬里兮度沙漠為  
君將兮奮匈奴路窮絕兮矢刃摧士衆滅兮名  
已隕老母已死雖欲報恩將安歸陵泣下數行  
因與  
武決

李陵北去蘇武南旋歸驂欲動別馬將前河橋兩岨臨  
路悽然故人此別知應幾年

樊噲見項王讚

漢書鴻門之會樊噲聞事急乃持楯撞入項羽  
目之間之為誰張良曰沛公驂來樊噲項羽曰

壯士賜之卮酒，昆肩噲飲，酒接劍切肉食之。項羽曰：「復能飲乎？」曰：「臣死且不懼，豈特卮酒乎？」且沛公先入定咸陽，暴師霸上以待大王。大王今日至，聽小人之言，與沛公有隙，臣恐天下解心疑大王也。項羽默然。沛公如廁，麾噲去。既出，沛公留車騎，獨騎馬噲等四人步從從山下走歸霸上。軍而使張良謝項羽，羽亦因遂已，無誅沛公之心。是日微樊噲奔入營，誑讓項羽。沛公幾殆。後數日，項羽屠咸陽，立沛公為漢王。漢王賜樊噲為臨武侯。

樊噲將軍漢王車右不憚鋒刃何辭卮酒霸上屯軍鴻

門固守

應劭曰：霸上地名，在長安東三十里。古曰滋水。秦穆公更名霸上。師古曰：霸水上也。即今所謂

霸頭。孟康曰：鴻門在新豐東十七里。舊大道北下阪口名。

持謝范增惟留玉斗

漢書高帝

紀云使張良獻璧項羽受之又獻玉斗范增范增怒撞其斗起曰吾屬今為沛公虜矣

### 秦穆公飲盜駿馬讚

呂氏春秋曰昔者秦穆公乘馬右服失之野人取之穆公自往求之見野人方將食之於岐山之陽穆公笑曰食駿馬之內不飲酒余恐傷汝也偏飲而去韓原之戰晉人已環穆公之車矣晉梁靡已扣公左轡矣野人嘗食馬於岐山之陽者三百有餘人單刀為穆公疾闕於車下遂大剋晉乃獲惠公以歸

駿馬遇盜秦王不嗔先傾美酒翻畏傷人鄰兵向國窮寇侵秦於時大盜還作功臣

# 延陵季子遇徐君讚

新序曰延陵季子將西聘晉帶寶劍以過徐君徐君不言而色欲之季子為有上國之事未獻也然心許之矣使於晉顧反則徐君死矣於是以劍掛徐君墓樹而去

徐君有禮季子惟賢經過一遇如舊依然人非別後心許生前長松雖合寶劍猶懸

鶴讚

并序

武成二年春三月雙白鶴飛集上林園大將鄭偉

鄭偉字子

直榮陽開封人也周書有傳注見墓誌銘

布弋設置並皆禽獲六翮已摧雙



心俱怨相顧哀鳴孤雄先絕孀妻向影天子愍焉信奏

事階墀立使為讚

天子周明帝也時子山為司憲中大夫

九臯遙集三山迴歸

毛詩曰鶴鳴於九臯聲聞於天漢書郊祀志曰蓬萊方丈瀛洲此三

神山在渤海中

華亭別淚洛浦仙飛

語林曰陸機為河北都督聞警角之聲謂孫丞曰聞

此不如華亭鶴唳故臨刑而有此嘆見世說注列仙傳曰周靈王太子晉好吹笙作鳳鳴遊伊洛間道士浮邱公接上嵩山二十餘年後來山上告桓良曰告我家七月七日待我候氏山頭果乘白鶴駐山巔望之不得攀手謝時不妨離繳先遭見羈

離平聲說文曰繳生絲縷也

籠摧月羽

弋碎霜衣

月羽霜衣言鵞之白也

塞傳餘號關承舊名

幽明錄曰陶公在尋

陽西南一塞取魚自謂其池曰鶴門梁元帝表  
臣自擁旄鶴塞昭明答湘東書掩鶴閣而高臥

南遊湘

水東入遼城

神仙傳曰蘇仙公者桂陽人也乘白鶴飛  
去自後有白鶴來止郡城東北樓上人或

扶彈彈之鶴以爪攫棧板似漆書云城廓是人民非三  
百甲子一來歸吾是蘇公彈何為至今修道之人每至

甲子曰焚香禮於仙公之故第也捷神後記曰丁令威  
本遼東人學道於靈虛山後化鶴歸遼集城門華表柱

歌曰有鳥有鳥丁令威去家千年今始  
歸城廓如故人民非何不學仙家棄業

雲飛欲舞露落

先鳴六翮摧折九門嚴閉

戰國策莊辛曰奮其六翮而  
凌清風楚辭曰虎豹九閭言

天有九門無  
可新究也

相顧哀鳴肝心斷絕松上長悲琴中永別

王韶之神境記曰榮陽郡有孤松千丈常有雙鶴晨必  
接翮夕輒偶彩蔡邕琴操曰商陵牧子娶妻五年無子

父兄欲為改娶投子援琴鼓之歌  
別鶴以舒其憤憑故曰別鶴操


庾子山集卷十

謹案卷九第六頁後二行數十萬之衆遂降秦刊  
本遂上行衆字今刪

第二十七頁前三行貪恠無饜刊本恠訛琳今改  
卷十第十二頁後八行士不中道相見刊本訛作  
士不中間見據韓詩外傳改

第十五頁後二行秦穆公飲盜駿馬讚刊本公訛  
王今改





總校官進士臣胡榮

校對官助教臣金學詩

膳錄監生臣張同翼

欽定四庫全書薈要

集部

庚子山集卷十一

二



詳校官原任編修臣徐立綱

庾子山集卷十一

周 庾信 撰

錢塘倪璠纂註



文序傳

答移市教

昔張楷碩儒尚移弘農之市

後漢書曰張楷字公超除長陵令不至官隱居弘農

山中學者隨之所居成市

後華陰山南遂有公超市

宜官妙篆猶致酒壚之客

四體書序曰上谷王次仲善隸書始爲楷法至靈帝好書世多能者而師宜官爲最甚矜其能每書輒削焚其



札梁鶴乃益爲版而飲之酒候其醉而竊其札鶴卒以  
工書至選部尚書宜官後爲素術將今鉅鹿宋子有耿

球碑是術所立其書  
甚工云是宜官書也

況復德總郇周聲高梁楚

郇故國名左氏

傳曰畢原郇郇文之昭也汲郡古文曰晉武公滅郇以  
賜大夫原點是爲郇叔又云文公城郇臣瓚云在晉之  
境內河東有郇城即古郇國班彪北征賦曰息郇郇之  
邑鄉郇周地也貨殖傳曰洛陽東賈齊魯南賈梁楚

希風慕義之士舉袂成帷卧轍反車之流摩肩相接戰國

策蘇秦說齊宣王曰臨淄之途車  
轂擊人肩摩連社成帷舉袂成幕遂使王充閱市之處

遠出荒郊

後漢書曰王充字仲任會稽上虞人也好博覽而不守章句家貧無書嘗游洛陽市肆間

所賣書一見輒能誦憶  
遂博通衆流百家之言

石苞販鐵之所翻臨崖岸

晉書曰苞

苞字仲容渤海南皮人也被使到鄴事久不決乃既鐵  
於市市長沛國趙元儒名知人見苞異之因與結交嘆

苞達重當至公  
輔由是知名

聖德謙虛未忘誼

秋左氏傳曰秋隘  
塵杜云湫下也子

小欲令吹簫舞鶴還反舊鄧

史記稱伍子胥鼓腹吹簫  
乞食吳市吳越春秋曰吳

王閭閻葬女於國西閭門乃舞白鶴於吳市中令萬民  
隨而觀之還使男女與鶴俱入美門因發機以掩之殺

生以賣卜屠羊請辭新聞

漢書曰蜀有嚴君平卜筮于  
成都市一日裁數人得百錢

足自養則閉肆下簾而授老子又三輔黃圖曰司馬季  
主卜於東市莊子曰楚昭王失國屠羊說走而從於王

昭王反國將賞從亡者及屠羊說屠羊說曰大王失國  
說失屠羊大王反國說亦反屠羊臣之爵祿已復矣又

何嘗之有逆不受也崔豹古

而交貿之黨好留幽岐之

今注曰關市垣關市門也

衆難遣

廣雅曰貿易也史記周本紀曰公劉子慶節立國於豳古公亶父立薰育戎狄攻之古公去豳

渡漆沮踰梁山止於岐下豳人舉國扶老攜弱盡復歸

古公於岐下索隱曰豳即邠也徐廣曰岐山在扶風美

陽西北其南有周原

文

# 移齊河陽執事文

周書武帝紀曰天和四年夏四月乙巳齊遣使來聘以正月辛卯朔推之當是四月二十二日來聘二十七日移文也下篇云大司馬齊國公知是齊王宇文憲所移也高氏受東魏禪國號曰齊時河陽爲彼所屬故移

周天和四年四月二十七使持節車騎大將軍儀同三

司大都督陝西總管府移齊河陽執事

陝西總管齊王憲也憲本傳及

碑文云天和元年徵還雍州牧雍州陝西也

自疆場卧鼓邊鄙收烽義讓之

行未能期月孔城誨盜即值苞藏

周書云天和四年齊將獨孤求業來寇盜

殺孔城防主能奔達以城應之通典云河南府壽安縣有九曲城所謂九河也高齊置孔城防以備周在縣東南左傳鄭行人子羽曰大國無乃包藏禍心以圖之是以板載之師須時而以自

安封域非求拒防

詩云縮板以載博物志曰齊南有長城巨防陽關之險

雖復風

塵暫接旗鼓無侵五將即迴雙嶠已靜

李陵答蘇武書云五將失道陵

獨遇戰左氏傳曰秦穆公召孟明西乞乙使出師襲鄭蹇叔之子與師哭而送之曰晉人禦師必于崤崤有二陵焉其南陵夏后皋之墓也其北陵文王之所避風雨也謝朓和王著作八公山詩曰雙崤望河澳以崤有二陵稱雙崤矣始奉朝旨獲彼移書令受叛城使迴軍實左氏傳曰以數想彼邊司已奉處分既有此還輒須領納未知何軍實日可遣戍兵指附行人遲能速報盟且不渝隣境相善顧瞻原野幸甚實多故移

又移齊河陽執事文

周天和四年十一月十日陝州總管長史梁昕移齊河

陽執事

周書云梁昕字元明安定烏氏人也天和初自徵拜工部中大夫出爲陝西總管府長史

拭玉繼書通關去傳

儀禮曰賓朝立東西面賓人北面坐拭圭鄭注賓使者拭清之也漢

書音義曰舊出入關皆用傳傳煩因裂襦帛分持後復出合之以爲符信言周齊通好也周書天和四年四月

齊遣使來聘是也

實謂上方銷劍山陽息馬

漢書顏師古注云尚方少府之屬官

也使供御器物故有斬馬劍也尚書武成篇曰歸馬華山之陽孔傳曰欲使自生自死示天下之不復乘用

過茲禦客或慢重局

周易曰重門擊柝以禦暴客說文曰局門之闕也

屬故司

疆陰行善盜君一臣二上穆下垂

司疆司疆場之官謂齊將獨孤永業也永

業來寇盜殺孔城防主言君方修好而臣有貳心上行和順而下獨乖戾蓋責之也

國家以邊鄙

心搖須固備守大司馬齊國公天子介弟中軍元帥

謂齊

煬王憲也武成二年封齊國公天和三年拜大司馬憲爲太祖宇文泰之第五子武帝之弟也駕馭孫

吳驅馳獍虎

孫武吳起也述異記曰獍之爲獸狀如虎豹而小

舉因農隙義異

城郎師巡我境曾非反鄆

周書武帝紀云天和四年八月庚辰盜殺孔城防主以其

地入齊九月辛卯遣柱國齊國公憲率衆於宜陽築崇德等城春秋隱元年夏四月費伯帥師城郎杜注魯邑高平方與縣東有鄆郎亭九年傳曰夏城郎書不時也文十二年季孫行父帥師城鄆杜云城陽姑幕縣南有員亭即鄆也昭元年傳云季武子伐莒取鄆莒人告於會楚告於晉請戮其使趙孟曰莒魯爭鄆爲日久矣

縮載之畢前旗已迴

詩大雅綿云其繩則直縮板以載毛傳云繩謂之縮釋器云繩謂之

縮孫炎曰繩束築版謂之縮郭璞云縛束之也

彼國兵馬不防

彼國謂齊也

殿後餘

塵遂至相接

左氏傳曰猛也殿又曰孟之側後入以爲殿殿丁練反後軍也

建旌疊

疑作

壘

上未及五申安鄴城防先驚七伏

史記曰孫武子三令五申之左傳宣

十二年邲之戰云士李使鞞朔韓穿帥七覆於敖前杜云爲伏兵七處也

當時鋒刃或膏原

野

漢書師古注曰鋒戈戟刃也又蘇武傳衛律曰空以身膏草野班固東都賦曰原野厭人之肉

所獲

彼將夏州刺史梁老首領今以相還尸鄉不遠無令久

客

漢書地理志河南郡偃師縣尸鄉殷湯所都後漢書曰溫序爲隗囂所殺喪到洛陽賜城傍地爲塚長子

壽夢序曰久客思鄉里壽即上書乞骸骨歸葬

馬驢甲兵具條相勒封人宜依



領納宿無聞志不獲交綏致此埃塵誰階其咎故移

周禮

封人掌爲畿封而樹之鄭注畿上有封若今時界也左氏傳曰穎考叔爲穎谷封人祭仲足爲祭封人宋高哀爲蕭封人論語有儀封人皆以地方封人蓋封人職典封疆居在邊邑穎谷儀祭皆是國之邊邑也左傳文十二年曰乃皆出戰交綏杜注云古名退軍爲綏晉志未能堅戰短兵未至爭而兩退故曰交綏正義曰魏武引司馬法云將軍死綏舊說綏却也詩云誰生厲階

### 移虜留使文

周書建德五年二月辛酉遣皇太子斌巡撫西土仍討吐谷渾戎事節度並宜隨機專決按武帝母皇太后叱奴氏以建德三年三月癸酉崩至建德五年三月戊申祥文云入境以來國祥

甫過至遣使相隨永敦隣睦知虜謂吐谷渾也  
吐谷渾遣使入境在建德五年二月發遣彼使  
在次年春初建德  
六年正月所移也

年月朔日某官告配某州郡前本欲發遣彼使但某入

境以來國祥甫過自秋迄冬未申款接

周書云建德三年三月癸酉皇

太后叱奴氏崩帝居倚廬朝夕共一溢米羣臣表請累  
旬乃止詔皇太子斌總釐庶政五月庚寅葬文宣皇后  
於永固陵帝袒跣至陵所辛酉詔曰齊斬之情經籍  
訓近代沿革遂亡斯禮伏奉遺令既葬便除攀慕几筵  
情實未忍三年之喪違乎天子古今無易之道王者之  
所常行但時有未諧不得全制軍國務重庶自聽朝祿  
麻之節苦廬之禮率遵前典以申罔極百寮以下宜遵  
遺令公卿上表固請俯就權制過葬即吉帝不許引古

禮答之羣臣乃止於是遂申三年之制五服之內皆令依禮建德五年二月辛酉皇太子斌巡撫西土討吐谷渾三月壬寅文宣皇后服再期戊申祥和是吐谷渾遣使入境在於建德五年二月至三月祥是入境以來國祥甫過也又云自秋迄冬未申

且狼星表邦嚴霜已戒

欵接知留彼使至次年方達也史記天官書曰五宮東有大星曰狼狼角變色多盜賊正義曰狼一星參東南狼為野將主侵掠占非其處則人相食色黃白而明吉赤角兵起金木火守亦如之楚辭曰秋既戒之白露冬又申之以嚴霜

浮河亂

濟長路苦寒

禹貢曰濟河維兗州又云浮於濟漯達於河又云入於渭亂於河孔安國曰正絕流

曰亂史記索隱曰濟水出河東垣縣王屋山東其流至濟陰故應劭云濟水出平原陰縣東陸機詩云劇哉行役人慢慢恒苦寒言虜使入境以來初為國祥又以盜賊之警所以自春至冬未申欵接也

時當獻歲

維新三元告慶

楚辭曰獻歲發春兮泊吾南征三元元日謂爲歲日月之元也亦稱三朝班固

東都賦曰春王三朝

珪贄盈庭華裔參軫

周禮曰公執桓圭侯執信圭伯執躬圭子執穀

璧男執蒲璧以朝親宗遇會同于王又曰以六禽作六贄鄭云贄之言至也所執以自致也封禪書曰百蠻執贄左氏傳曰庭實旅百左傳杜注云諸華中國又姜戎曰謂我諸戎四嶽之裔胄也杜云裔遠也昭九年傳云先王居櫛机於四裔以禦魑魅說文曰軫車後橫木也參軫言多也

式觀盛禮洽此嘉譴

陽和既動澤漸萬邦便當遣使相隨永敦隣睦故移

序

# 趙國公集序

周書列傳云趙王招字豆盧突幼聰穎博涉羣書好屬文學庾信體詞多輕豔武成初進封趙國公建德二年進爵爲王所著文集十卷行於世

竊聞平陽擊石山谷爲之調

皇甫謐曰舜都平陽虞典夔曰於予擊石搏石孔安

國曰石磬也

大禹吹筠風雲爲之動

說文曰筠竹皮也

與夫含吐性

靈抑揚詞氣曲變陽春光迴白日豈得同年而語哉

宋玉

曰陽春白雪

柱國趙國公發言爲論下筆成章逸態橫生新

情振起風雨爭飛魚龍各變

樂動聲儀曰風雨動魚龍

方之珪璧塗

山之會萬重

左傳哀十年大夫對孟孫曰禹會諸侯於塗山執玉帛者萬國

譬以雲霞

赤城之巖千丈

孔靈符會稽記曰赤城山名皆赤狀似雲霞懸雷千仞謂之瀑布飛流洒散冬

夏不竭

文參歷象即入天官之書

史記有天官書索隱曰案天文有五官官者星

官也星座有尊卑若人之官曹列位故曰天官

韻涉絲桐咸歸總章之觀

三輔黃圖

曰明堂之制

論其壯也則鵬起半天

莊子曰鵬之背不知其幾千里也怒

舜曰總章

而飛其翼若

語其細也則鷦巢蚤曉

莊子曰鷽鷽巢林不過一技此云鷽

垂天之雲

巢鷽疑作焦蓋謂焦螟虫也列子曰江浦之間生麼虫

其名曰焦螟羣飛而集於蚊睫弗相觸也栖宿去來蚊

弗覺也張湛曰麼亡果

豈直熊熊旦上增城抱日月之

反細也字書云麼小也

光熊熊一作熊羅陸璣疏曰熊能攀緣上高樹見人則顛倒自投地而下冬多入穴而蟄始春而出脂謂之

熊白熊史記天官書說歲星云熊熊有光  
按下文𩚑𩚑從熊熊爲是楚辭增城九重𩚑𩚑宵飛南

斗觸蛟龍之氣

洛誥曰無若火始𩚑𩚑孔傳云𩚑𩚑尚微崔豹古今注曰螢火一名宵飛南斗

句即豫章記所謂豐城劍氣光於牛斗者也劍卒化爲龍矣

昔者屈原宋玉始於哀

怨之深

史記曰屈原被放至於江濱乃作懷沙之賦懷石自投汨羅以死屈原既死之後楚有宋玉唐

勒景差之徒皆好辭而以賦見稱皆祖屈原之從容詞令終莫敢直諫者

蘇武李陵生於別

離之世

漢書曰蘇武字子卿京兆人武帝天漢二年以中郎將使匈奴十九年不屈節歸漢李陵字少

卿天漢中將步卒五千擊匈奴轉鬪矢盡遂降單于以女妻之立爲右校王在匈奴二十餘年卒詩品曰李陵詩其源出於楚辭文多悽愴怨者之流陵名家子有殊才生命不諧聲顏身喪使陵不遭辛苦其文亦何能至

此自魏建安之末晉太康以來雕虫篆刻其體三變

宋書

謝靈運傳論曰自漢至魏四百餘年辭人才子文體三變建安獻帝年號太康晉武帝年號也揚雄法言或問吾子少而好賦曰然童子雕蟲篆刻俄而曰壯夫不爲也

人人自謂握靈蛇之珠抱

荆山之玉矣

二語出曹子建與楊德祖書說范曰昔隨侯行遇大蛇中斷疑其靈使人以藥封之

蛇乃能去因號其處爲斷蛇丘歲餘地銜明珠徑寸絕白而有光因號隨珠卞和璧始皇以爲傳國璽也韓子曰卞和抱其璞哭於荆山之下

公斟酌雅頌諧和律呂若使言乖節目

則曲臺不顧聲止操縵則成均無取

漢書曰孟卿說禮數萬言號曰后氏

曲臺記服虔曰在曲臺校書者記因以爲名師古曰曲臺殿在未央宮學記曰學不學操縵不能安絃周禮大



司樂掌成均之法以教建國之學校而合國之子弟焉

遂得棟梁文囿冠冕詞林

大雅扶輪小山承蓋

詩序曰詩有大雅焉有小雅焉羽獵賦曰齊桓公曾不足使扶輪又

曰風詡詡其扶輪楚辭序曰招隱士者淮南小山之所作也

傳

周使持節大將軍廣化郡開國公丘乃敦崇傳

崇恒州代郡鼓城縣廣義鄉孝讓里人也昔壽丘建國

賜姓者十二人

竹書紀年曰黃帝母曰附寶見大電統北斗樞星光照郊野感而孕二十五月

而生帝於壽丘史記正義曰壽丘在魯東門之北今在兗州曲阜縣東北六里皇甫謐曰黃帝生於壽丘長於

姬水因以爲姓國語晉臣云黃帝之子二十五宗其得  
姓者十四人爲十二姓姬酉祁己滕箴任荀嬉姑嫁依  
是平陽舉賢登朝者十六族皇甫謐帝王世紀堯都平陽於詩爲唐國史記曰昔

高陽氏有才子八人世得其利謂之八愷高辛氏有才  
子八人世謂之八元此十六族者世濟其美至於堯堯  
未能舉舜舉八愷使主后土舉八元使舉五教於四方事出左傳  
況復大電繞樞流星

入昴大電繞樞黃帝之祥注見上文流星入昴帝堯之祥論語識曰帝堯率舜游首山觀河渚視五老飛

爲流星上入昴派分源別幹其嗣興者乎魏道武皇帝以命世

雄圖飲馬河洛北史曰魏之先出自黃帝子之少子受封北國其後世爲君長魏平文皇帝生

二子長曰沙莫雄次曰什翼犍兄弟十人分爲十姓  
道武帝祖帝拓中原國號曰魏

謂後魏爲拓拔氏道武以沙莫雄子嵩宗室之長爲長  
孫氏至魏文帝以獻帝長兄爲紇骨氏次兄普氏爲周  
氏次兄爲達奚氏次兄爲伊婁氏改妻氏次兄敦丘氏  
改爲丘氏次兄侯氏改爲万侯氏叔父之後乙旃氏爲  
叔孫氏疏俗車焜氏改爲車  
氏是爲十姓見魏書及北史辨風吹律丘氏即其一焉  
魏十姓敦丘氏爲丘氏是也春秋孔  
演圖云孔子曰丘援律吹律有姓 五代祖邈驃騎大

將軍開府儀同三司營丘郡開國公於時天道西北既

稟謀謨

左傳董叔曰天道多在西北

馬首東南實資匡贊

左傳襄十四年荀偃

令曰雞鳴而駕塞井夷寇惟余馬首是瞻樂騫曰晉國  
之命未足有也余馬首欲東乃歸此言進退皆從之也

因以封名仍爲賜氏

謂邈封營丘郡賜姓丘氏也

與夫南公伯即有

連類宗則樂正非無準則

以上與夫至準則似有缺文兼疑訛字未敢以意增改今

照原本錄之

曾祖雙軌使持節驃騎大將軍司徒青兗二州

刺史范陽文昭公洛食之始上馬治國

洛誥曰我乃卜澗水東溼水西

惟洛食孔傳曰今河南城也漢書陸賈曰馬上得之亦將以馬上治之乎

登庸之初昇槐論

道

尚書曰疇咨若時登庸孔傳曰庸用也誰能咸熙庶績順是者將登用之周禮曰三槐三公位焉尚書曰

惟茲三公論道經邦

生則絕席武宮死則配祠清室

後漢張禹傳詔令禹舍宮

中每朝見與三公絕席黃圖曰清涼殿亦曰延清室

夫人太原王氏三世爲將四

代爲公

太原王氏出自王離次子威漢揚州刺史九世孫霸字仲儒居太原晉陽後漢連徵不至霸生

咸咸十九世孫澤字季道雁門太守生祖字文舒魏司空京陵穆侯二子渾濟見晉書此太原氏族之盛也云三世為將者史記稱王翦子王賁王翦之孫王離又云今王離已三世將矣云四代為公者晉渾濟等是也

社稷大宗鍾鼎貴族伉儷是歸秦晉匹也

言太原本世胄之家夫人

王氏來歸於我也禮有大宗小宗漢書曰擊鍾鼎食左氏傳曰已不能庇其伉儷而亡之杜預曰伉敵也儷偶也正義曰禮謂兩皮謂儷皮儷兩也故為偶伉者相當之言故為敵也伉儷者言是相敵之匹偶又左傳懷羸曰秦晉匹也何以卑

祖提使持節衛將軍駙馬都督河

我杜注云匹敵也

交二州刺史靈壽縣開國公公子公孫聲名籍甚增輝增耀弱冠昇朝夫人清廉郡長公主孝文帝之第二女

也王姬有行車服不繫

詩序曰王姬下嫁於諸侯車服不繫其夫下王后一等

故

得衛青上將張耳賢夫

漢書曰衛青尚平陽王天文志云文昌六星一曰上將青拜大

將軍故云上將又漢書曰張耳大梁人也嘗亡命遊外黃外黃富人女甚美庸奴其夫亡即父客曰必欲求賢

夫從張耳父願使持節大都督徐州諸軍事徐州刺史平陽

縣開國公食邑四千戶少年習象多見兵書澆沙聚石

之營却日橫雲之陣

曹瞞傳曰公軍渡渭爲馬超所衝突營不可立地又多沙不築時天

寒乃多作縑囊以運水起沙爲城以水灌之一夜而成比明城立由是公軍盡得渡渭晉書曰諸葛亮造八陣圖於魚復平沙上累石爲八行相去二丈淮南子曰魯陽公與韓戰戰酣日暮援戈而麾之日爲之反三舍風

后握奇經有風陳雲陣

彎弧則戟破小支抽劍則泉飛枯井

曹植白馬

篇曰控弦破左的右發摧月支漢書曰貳師將軍李廣利拔佩刀刺山飛泉湧出

夫人宇文氏

周文皇之第三妹也母儀令範女師賢哲德高隆慮義

重河陽

漢書王太后第三女曰隆慮公主續列女傳曰趙皇后屬河陽主家學歌舞

魏受其

終周新其命式墓封墳追旌盛德

後漢書曰明帝遣使祠蕭何霍光帝謁園

陵過式墓史記其命閼天封比干之墓注云封謂益其土

乃贈使持節大將軍廣化

郡開國公食邑一千戶夫人贈安德郡長公主遊魂寃

結非無廣漢之城

後漢書曰陳寵轉廣漢太守先是洛縣城南每陰雨常有哭聲聞於府中

積數十年寵使吏案行還言世衰亂時此下多死亡者而骸骨不得葬殮在于是寵盡收斂葬之自是哭聲遂

絕久客思歸惟有東平之樹

皇覽曰東平思王家在無鹽人傳言王在國思歸京

師後葬其冢上

自永安以來魏室大壞

北史云魏莊帝諱子攸彭城王

松柏皆西靡也

賜之第三子也武泰元年明帝崩大都督爾朱榮謀廢

立陰與帝通率衆來赴帝與兄弟夜北渡河會榮于河

陽即皇帝位是

海水羣飛天星亂動

楊雄劇秦美新曰海水羣飛漢書劉

年改元永安

向封事諫曰夜

禮樂征伐不出於人主舉賢誅暴議在

中星隕如雨

於強臣

謂爾朱榮也北史云榮以兵權在己遂有異志乃害靈太后及幼主次害無上王等後復表請

追諡無上王爲皇帝餘俱有贈子孫聽立後授封爵舉賢如以前太尉江陽王繼爲太師以下是也誅暴如討



葛榮檻送京師斬於都市是也三年帝殺榮於明光殿  
帝卒爲爾朱氏所弑爾朱世隆立廣陵惠王羽之子恭

是爲

高丞相驅率風雲奄荒齊晉

北史云高歡渤海蓆人也普泰元年廢帝

閔帝

即位於信都西改元中興以渤海王高歡爲丞相二年  
爲大丞相歡既敗爾朱氏廢帝自以疎遠遜位歡立武

帝永興二年高歡大

我舅氏文皇帝駕馭龍虎據有周

破爾朱氏山東平

秦南北渝盟東南敵怨

謂周太祖宇文泰也北史魏武  
帝紀曰永興三年帝內圖高歡

乃以斛斯椿爲領軍使與王政思統之以爲心膂軍謀  
朝政咸決於椿分置督將及河南關西諸刺史帝親總  
六軍十餘萬次河橋高歡引軍東渡帝出宇文泰遣李  
賢和等各領數百騎會帝於崤中高歡入洛遣婁昭等  
追帝不及宇文泰遣大都督趙貴等甲騎二千來赴乃  
奉迎迎過河奉迎帝於東陽帝勞之將士皆呼萬歲遂

入長安以雍州公解爲宮大赦是爲西魏高歡東遷洛陽歡推清河王亶子善見爲主徙都鄴是爲東魏魏於此始分爲二周本紀云普回子莫那自山陰南徙始居遼西是日獻侯爲魏舅甥之國故曰舅氏既而

各受圖書並當珪璧

謂高氏宇文氏後俱受命爲帝也河圖洛書帝王之符也左氏傳曰

當璧而拜者神所立也北史云魏大統十六年東魏靜帝遜位於齊是爲文宣皇帝諱洋神武第二子也魏恭帝三年遜位於周是爲閔帝諱覺太祖第三子也高氏宇文氏並爲帝矣百姓則父南子北

兄東弟西事主則憂親求生則慮禍大周親戚徧鍾茶炭輪之城旦下之織室關河嚴隔三十餘年

言周齊兩國爭疆東

西否隔親戚流寓或致罪戾不得遣歸也史記秦始皇本紀云黔爲城旦如淳曰律說論決爲髡鉗輪邊築長

城晝日伺寇虜夜暮築長城城旦四歲也漢書刑法志  
曰諸當完者完為城旦春又外戚傳曰漢使曹參等擄  
魏王豹而薄  
姬輸織室  
天厭喪亂人思反德彼之風塵既靜函谷

此之冠蓋屢涉漳濱

言周齊彼此和親干戈少息也按周本紀天和六年齊遣使來聘建

德元年周遣司宗李祭小賓部賀遂禮於齊是也函谷  
本秦函谷關周宇文氏所都漳濱鄴地齊高氏所都周  
武帝詔曰偽齊叛  
渙竊有漳濱是也  
中山冤枉之餘代郡凋殘之澤並遇

革音咸蒙禮送

中山二語言高氏廢帝自立魏之支屬皆留齊地會周齊和親乃許還其本國

也下云崇等生還是魏周戚屬由是得歸矣漢書曰中山王衍入即位是為平帝後王莽即真遂廢帝又文帝  
紀曰周勃等奉天子法駕迎于代邸中山指靜帝為高  
氏所廢若漢平帝代郡指清河王子善見本高歡所立

若漢代郎此二帝之後  
向被拘囚今蒙禮送也

崇實兄弟二人相看氣息親愛

凋零方寸久亂恒山殺翮豈望同飛而安國徒中鬱爲

卿相班超絕域遂得生還

爾雅曰北岳恒山張宴漢書注云恒山在常山郡西郭璞

山海經注云雁門山即北陵西喻雁之所出因以爲名

在高柳北地理志有雁門郡淮南子曰飛鳥鍛羽許慎

注云鍛殘羽也言雁之殘羽不能飛也史記曰韓安國

者梁城安人也事梁孝王爲中大夫其後坐法抵罪無

何梁內史缺漢使使者拜安國爲梁內史起徙中爲二

千石位至御史大夫行丞相事後漢書班超曰臣不敢

望到酒泉但願

天和四年

武帝之至新邑以上序實崇兄弟二

生入玉門關

人自齊朝廷以舅甥之國外內之親乃授實使持節驃

來歸也

騎大將軍開府儀同三司大都督安樂縣開國公食邑

一千戶賓得免虎口仍上龍門

莊子孔子曰丘幾不免虎口哉司馬遷書曰垂

餌虎口辛氏三秦記曰河津一名龍門水險莫通魚鼈之屬莫能上江海大魚薄集龍門下數千不得上上則

爲龍也聲價已高風焱即遠方欲討論國耻申雪家冤橫

尸原野是所甘心時不我與先從朝露春秋若干

言賓先崇

死也衛國興文子之慟長安有詔葬之悲

衛國興文子之慟者疑引衛公

叔文子公孫發卒也漢書曰霍去病薨上悼之發屬國玄甲軍陣自長安至茂陵爲冢象祁連山

乃贈

本官加少傅蒲虞勲三州諸軍事蒲州刺史以天和六

年平鄴都年某月日葬於長安之洪瀆原妻青州石氏長城

郡君庠子孤莞生妻嫠室即能有節還成守義崇蒙授

使持節大都督驃騎大將軍開府儀同三司廣化縣開

國公食邑一千戶昆季二人同年上將彤廷交映榮戟

相臨西都實曰玉階彤庭崔豹古今注曰榮戟是之遺象也詩所謂伯也執殳為王前驅前驅之器也以

木為之後世滋偽無復典刑以赤油韜之亦謂之油戟亦謂之榮戟王公以下通用之昔二馮同

德繼踵當官漢書曰成帝時馮野王為上郡太守後弟立亦自五原太守徙西河上郡居職公庶

百姓歌之曰大馮君小馮君兄弟繼踵相因循聰明賢知惠吏民政如魯衛德化均周公康叔猶二君兩

杜齊名夾河爲郡

漢書杜周傳曰始周爲廷史有一馬及久任事列三公而兩子夾河爲郡

守家嘗累

巨萬矣

比斯榮寵彼將慙色俄然賓疾奄捐館舍崇

兄弟勝衣備罹禍酷同氣長養得及全人今者來歸更

連凶閔每一悲慟行路傷心撫養愛子情深馬援之慈

後漢書馬援傳曰兄況卒援行服期年不離墓所敬事寡嫂不冠不入廬援有誠兄子嚴書

恭事寡

嫂義甚願舍之孝

晉書曰願舍字弘都瑯琊華人也凡歲咸寧中得疾就醫月療遂死於醫

家家人迎喪施每繞樹而不可解引喪者顛仆稱歲言曰我壽命未死但服藥太多傷我五臟今當復活慎無葬也其婦及家人夢之曰吾當生復可急開棺而父不聽舍時尚少乃慨然曰非常之事自古有之今靈異至

此開棺之痛孰與不開相負父母從之乃共發棺果有生驗以手刮棺指爪盡傷然氣息甚微存亡不分飲食所須託之以夢闔家營視頓廢生業雖在母妻不能無倦矣含棄絕人事躬親侍養不出戶庭者十有三年歲竟不起含二親既終兩兄繼沒次嫂樊氏因疾失明含課勵家人盡心撫養每日自嘗省藥饌察問息耗必替履束帶醫人疏方應須髣地膽而尋求備至無由得之含憂嘆累時嘗晝獨坐忽有一青衣童子年可十三四持一青囊授含含開視乃地蟾也童子化青鳥飛去得膽藥成嫂病即愈由是著名已上序賓卒崇克盡弟道也

天和六年授大將軍餘如故龍庭賞出塞之功玉門勞

旋師之寵異代同和見之今日

後漢書班固燕然山銘曰焚老上之龍庭注云

匈奴五月大會龍庭祭其天地鬼神今皆焚蕩之又耿恭傳曰恭引兵據疎勒匈奴攻恭恭厲士衆擊走之數



月食盡困窮稍稍死亡餘數十人漢遣兵迎校尉遂相  
隨俱歸發疎勒時尚有二十六人隨路死沒三月至玉  
門惟餘建德二年授使持節都督宜州諸軍事宜州刺  
士二人

史忽忽橫閣但有誦書曖曖重帷惟聞善政清不置水

明非舉燭

高士傳曰任棠字季卿隱身不仕龐參爲漢陽太守到先就家俟焉棠不與言但以薤一

本水一盂置戶屏前身抱孫兒伏于戶下主簿白以爲倨傲參思其微意良久曰棠置一盂水欲諭太守清也投一本薤欲諭太守擊強宗也抱孫兒當戶欲諭太守開門恤孤也韓子曰郢人有遺燕相國書者夜書火不明因謂持燭者舉燭云而過書舉燭舉燭非書意也燕相受書而說之曰舉燭者尚明也尚明也者舉賢而任之燕相白王大說國以乃是入境移風非直停車待雨

後漢

書曰賈琮爲冀州刺史升車命御者褰帷諸威  
過者望風解印綬去又曰鄭弘行春隨車致雨 有勅大

將軍宜州刺史廣化郡公崇自夏季無雨以迄於今雖

靡神不禱仍未降感知彼州內獨蒙滂澤諒由大將軍

精誠所致憂念郡人豐稔可希良以爲慰又勅廣化公

崇知此存心政術治勤黎人受委稱職嘉尚無已古人

有言非行之難念加勉勗以致盡善指令宣納抑操賜

齊陳物如別宜諭朕懷昔陽平太守別降紅粟之恩荆

州刺史徧蒙袞衣之賜治績尤異此之謂乎

晉書武帝紀曰太康

十年夏四月以陽平太守梁柳有政績賜穀千斛吳都  
賦曰海陵之倉則紅粟流衍益都耆舊傳曰郭賀拜荆  
州刺史明帝巡狩到南陽特賜以三公之  
服黼黻旒冕勅去襜露冕見此以彰其德 崇清淨爲政

廉明爲法人不忍背吏不忍欺性不飲酒無所嗜欲深

沉牆仞喜愠不形文必正詞絃惟雅曲仁義禮節是所

用心緹袂紉素愛翫無已當今四郊多壘尚有公卿之

辱

禮記曰四郊多壘此卿大夫之辱也

鼓鼙不息猶勞將帥之謀

禮記曰君子聞

鼓鼙之聲則思將帥之臣

語其讐耻惟願橫行死地思其報國不忝

身膏原野

漢書上將軍樊噲曰臣願得十萬衆橫行匈奴中揚子法言曰秦將白起長平之戰四十

萬人死原野厭人之  
肉川谷流人之血  
但今天假之年時綏之福忠貞之

事公其取焉畧書梗槩陳之直史

後漢書杜篤論都賦序曰故畧其梗槩不敢具

陳注云梗槩  
猶畧畧也

庾子山集卷十一

庾子山集卷十二

周 庾信 撰

錢塘倪璠纂註

銘

秦州天水郡麥積崖佛龕銘

并序

天水郡漢武帝元鼎三年置秦州地記云郡前  
湖水冬夏無增減因以名焉麥積山者北跨清  
渭南漸兩當五百里岡巒麥積處其中崛起一  
石塊高萬尋望之團團如民間麥積之狀故有  
此名其青雲之半峭壁之間錫山成佛萬龕千  
室雖自人力疑其鬼功隋帝分葬神泥舍利函

於東閣之下伽室之中有庾信銘記刊於巖中見太平廣記袁宏後漢紀曰浮屠者佛也漢言覺將覺悟羣生也龕者塔也方志云受廣雅云盛也按周武帝建德三年始除佛道二教是銘

當在建德三年以前所作也

麥積崖者乃隴底之名山河西之靈嶽

隋書地理志云天水郡舊秦州

後周置總管府天水郡有隴城縣西京賦曰右有隴城之隘應劭曰天水有大阪曰隴坻左氏傳曰名山川史記曰渾邪王以衆降數萬遂開河西酒泉之地正義曰河謂隴右蘭州之西河也夏本紀曰至於龍門西河素隱曰河在冀州西故云西河隋書地理志云周禮職方正西曰雍州安定北地上郡隴西天水金城于古爲六郡之地河西諸郡其風頗同並有金行之氣按麥積在秦州東南九十里又有豆積山在其中

高峯

尋雲深谷無量

淮南子曰高山尋雲谿肆無景

方之鷲鳥迹遁三禪

史記

大宛傳注括地志曰王舍國胡語曰罪悅祇國其國靈

鷲山胡語曰耆闍崛山山似青石石頭似鷲鳥名耆闍

鷲也山周四十里外周圍水佛於此坐禪及諸阿難等

俱在此坐大品經曰初禪二禪三禪三天四禪九天三

禪皆依雲住至四禪方在空居此

譬彼鷲鳥虛飛六甲

云迹遁三禪者言高峯掩雲也

舊唐書地志云蜀州晉源漢江源地鷲鳴山在西北十

里神仙傳曰張道陵與弟子入蜀住鷲鳴山著作道書

二十四篇乃精思鍊志忽有天人下千乘萬騎金車羽

蓋驂龍駕虎不可勝數或自稱柱下史或稱東海小童

乃授陵以新出正一明威之道鷲鳴即鷲鳴山鷲鳴通

稱矣又漢武內傳上元夫人謂王母有六甲靈飛之符

按此爲道家之言故云譬彼言

鳥道乍窮羊腸或斷中

參積可擬靈鷲鳴二山也



志曰鳥道西百里以其險絕獸猶無蹊特上有飛鳥之道耳高誘曰羊腸其山盤紆如羊腸也鄴元水經注云

羊腸盤道三十六

雲如鵬翼忽已垂天

莊子曰鵬之背不知其幾千里

回在成州仇池山

樹若桂華翻能拂日

楚辭曰折若木以拂日

是以

也怒而飛其翼若垂天之雲

飛錫遙來度杯遠至

孫綽遊天台賦曰應貞飛錫以跨虛注云大智論曰菩薩常應二時

頭陀常用錫杖經傳佛像佛國記曰那竭國城東北一山延到一谷口有佛錫杖亦起精舍供養杖以牛頭栴檀作長丈六七尺許以木筒盛之正復百千人舉不能移高僧傳曰杯度者不知姓名常乘木杯渡來

疏

山鑿洞鬱爲淨土

維摩經曰爾時螺髻梵王語舍利弗我見釋迦牟尼佛土清淨如自在天

宮佛語舍利弗若人心淨便見此土功德莊嚴

拜燈王於石室乃假馭風

維摩詰經

曰文殊師利言東方度三十六恒河沙國有世界名須彌相其佛號須彌燈王佛身長八萬四千由旬其師子座高八萬四千由旬嚴飾第一於是長者維摩詰現神通力即時彼佛遣三萬二千師子之座高廣嚴淨來入維摩詰室悉皆包容無所妨礙爾時維摩詰語文殊師利就師子座與諸菩薩上人即自變形爲四萬二千由旬坐師子座諸新發意菩薩及大弟子皆不能昇維摩詰言爲須彌燈王如來作禮乃可得坐於是新發意菩薩及大弟子即爲須彌燈王如來作禮便得坐

禮花首

於山龕方資控鶴

花首菩薩名此及釋氏所引舊作花首今藏經本首作手佛說華手經十

卷姚秦鳩摩羅什譯經云時大目連從座起頂禮佛足爲佛敷座高至梵天又於空中作經行之處七寶莊嚴有雜色蓮花彌覆水上華上有化比丘皆如目連又云諸菩薩持蓮花頂禮佛足又云時諸菩薩以此蓮華欲

散十方佛以手摩一一蓮華中佛身半現此諸化佛從空而去孫綽遊天台山賦曰王喬控鶴以冲天毛萇詩傳曰控引也按上文石室此云山龕謂麥積山之石室山龕也言佛之神通變化無相無名非有藉于風鶴也而此山之刻石爲室足拜燈王鐫山成龕亦禮化佛此馭風控鶴之喻亦空亦有者也大都督李

允信者

周書宇文廣傳云其故吏李允信等上表

藉於宿植深悟法門乃於

壁之南崖梯雲鑿道奉爲亡父造七佛龕

按長阿含經一毘婆尸佛

二尸棄佛三毘舍婆佛四拘留孫佛五拘那含佛六迦葉佛七釋迦牟尼佛也似刻浮檀如攻

水玉

佛國記曰佛上忉利天爲母說法九十日波斯匿王思見佛即刻牛頭栴檀作佛像置佛坐處佛後

還入精舍像即避出迎佛佛言還坐我般泥洹後可爲四部衆作法式像即還坐此像最是衆像之始後人所

法者也。大莊嚴經論曰：我昔曾聞波斯匿王往詣佛所，頂禮佛足，聞有異香，殊于天香，即白世尊：爲誰香耶？爾時世尊以手指地，即有骨現，如赤梅檀，長于五丈，如來語王所聞香者，從此骨出。過去有佛號迦葉，彼佛世尊化緣已訖，入於涅槃。爾時彼王名曰迦翅，取佛舍利，造七寶塔，高廣二由旬，又勅國內諸有花香，不聽餘用。盡皆持往供養。彼塔時彼國中有長者子，與婬女通，爲欲所盲，即入迦葉佛塔盜取一花，持與婬女。即時悔熱，身遍生瘡，初如芥子，後轉增長，無有空處，甚爲臭穢。是時彼人父母兄弟皆來瞻視，復命良醫而重診之，云：須牛頭梅檀，用塗身體，爾乃可愈。時波父母即以貴價買牛頭梅檀，用塗子身。爾時彼人涕泣驚懼，白父母言：子病從今而起，非是身患，專念迦葉如來三藐三菩提，涕泣盈目，以己所持梅檀之香，悲哀白塔而說偈言，即以花香塗香末香，用供迦葉佛塔，復以牛頭梅檀以畫佛身，身瘡漸差，熱患盡愈。彼長者子於後命終，生於天上，或

處人中身常有香身體肢節皆有好相父母立字號曰香身爾時香身厭惡陰界求索出家得辟支佛道此骨是辟支佛所出之香是故衆人應供養塔獲大功德又增一阿含經云優填王川牛頭栴檀雕佛像高五尺此爲始也佛地論云七寶四頗胝迦翻譯云頗梨或云塞頗胝迦此云水玉即蒼玉或云水精又云白珠刊正記云正名罕坡致迦其狀似此方水精有赤有白山海經曰堂庭之山多水玉郭璞曰水玉今水精也言鐫石爲像如栴檀水玉也從容滿月照曜青蓮

瑞應經曰面如滿月色從容維摩經曰目

淨修廣如青蓮肇曰五情百骸目最爲長瞻顏而作故先讚目也天竺有青華其葉修而廣青白分明有大人目相故以爲喻也法華經曰有人聞是品能隨喜讚善者是人口中出青蓮香晉書佛圖澄傳曰澄咒鉢水生青蓮花光影現須彌香聞忉利山天帝釋所在金剛山色曜目

也秦言妙高處大海之中水上高三百六十六萬里  
如來處四部之中威相超絕光蔽大衆猶金山之顯冥  
海者也什曰須彌山秦言妙高山也凡有十寶山須彌  
處其中餘九圍之也樓炭經曰須彌山王以四寶瑠璃  
水精金銀作成之須彌山王北脅天金照北方天下須  
彌山王東脅天銀照東方天下須彌山王西脅天水精  
照西方天下須彌山王南脅天瑠璃照南方天下又曰  
忉利天宮在須彌山上瑞應經曰第二忉利天上爲天  
帝釋又曰佛生七日其母命終以懷天師功德大故上  
生忉利封受自然菩薩本知母人之德不堪受其禮故  
因其將終而從之應法師云忉利梵音訛畧正云多羅  
夜登陵舍此云三十三俱舍頌云妙高頂八萬三十三  
天居四角有四峯金剛手所住中宮名善現周萬踰繕  
那高一半金城中有殊勝殿周千踰繕那踰繕那者舊  
曰由如斯塵疑作野還開說法之堂塵野疑作鹿野槃  
頭王苑名在槃頭

城毘婆尸佛說法處也長阿含經曰毘婆尸如來於槃頭城鹿野苑中轉無上法輪又四十二章經曰世尊成

道已於鹿野苑中轉四諦法輪

猶彼香山更對安居之

度僑陳如等五人而證道果

佛一作刹修行經太子言吾出香山之東雪山之北國名迦維宣律師四分羯摩云四安居謂前中後也律

有比丘四月十六日欲安居不止所在十七日方到佛

言聽後安居即五月十六日也明了論云無五過處得

安居一太遠聚落求須難得二太近城市妨修出家道

三多虫蟻自他兩損四無可依人五無施主供給衣藥

並不可安居一作刹者伽藍號刹利輔行云西域以柱

表刹示所居處也梵語刹瑟胝此云竿即幡柱也法華

云表刹甚高廣法苑云阿育王取

金華金幡懸諸刹上塔寺低昂

昔者如來追福有報

恩之經

如來佛號梵言多陀阿伽度報恩經後漢翻譯經云父母者三界福田又曰釋迦牟尼佛說大方

便大報恩經報欲令一切衆生孝養父母故一切衆生亦曾爲如來父母如來亦曾爲一切衆生而作父母爲一切父母故常修方便此經名攝衆善本

### 菩薩去家有

思親之供

僧肇曰菩薩正音云菩提薩埵菩提佛道名也薩埵秦言大心衆生有大心入佛道孟蘭

盆經曰大目犍連始得六通欲度父母報乳哺之恩即以道眼觀世間見其亡母生餓鬼中不見飲食皮骨連立目連悲哀即以鉢盛飯往餉其母母得鉢飯食未入口化成火炭遂不得食目連大叫悲號涕泣馳還白佛佛告目連十方衆僧七月十五日僧自恣時當爲七世父母及現在父母厄難中者具飯百味五菓著盆中供養此等自恣僧者現世父母六親眷屬得出三塗之苦應時解脫衣食自然時目連母即于是日得脫一劫餓

鬼之苦  
敢緣斯義乃作銘曰



鎮地鬱盤基乾峻極石關十上銅梁九息

周禮鄭注曰鎮名山安地

德者也徐敬業詩曰茲山復鬱盤禮記曰峻極于天蜀都賦曰阻以石門善曰石門在漢中之西褒中之北賦

又曰外負銅梁於官渠善曰銅梁山名在巴東百仞崖橫千尋松直陰免假道

陽烏迴翼

論語包咸注曰七尺爲仞周禮云五尺曰尋張衡靈憲云月者陰精而成獸象兔蛤焉春

秋元命苞曰陽成於三故日中有三足烏烏者陽精蜀都賦曰羲和假道於峻岐陽烏迴翼於高標載輦

疏山穿龕架嶺糾紛星漢迴旋光景壁累經文龕重佛

影

史記夏本紀曰山行乘輦如淳曰輦車謂以鐵如錐頭長半寸施之履下以上山不蹉跌也河圖括地象

曰河精上爲天漢楚辭曰借光景以往來兮王逸曰借神光電景泊往來也釋老志序曰蔡愔得佛經四十二

章及釋迦立像明帝令畫工圖佛像置清涼臺及顯節陵上經緘蘭臺石室佛國記曰那竭城南半由延有石室博山西南向佛留影此中去十餘步觀之如佛真形金色相好光明炳著轉近轉微髣髴如有十方國王遣工畫師模寫莫能及彼國人傳云千佛盡當於此留影顏氏家訓云影字當爲光景之景凡陰景者因光而生即謂景也尚書云惟景嚮葛洪字苑景彫輪月殿刻鏡傍加多於景切梵云頻婆帳此云身影

# 花堂橫鐫石壁間鑿山梁

大毘婆沙論曰法輪如世間呼金輪等輪是動轉不住義

又圓滿義長阿含經曰月宮殿四方遠見故圓寒溫和適天銀瑠璃所成純真無雜內外清徹光明遠照縱橫四十九由旬楞伽云譬如明鏡持諸色像現識現處亦復如是謂石室中彫輪則皆圓滿刻鏡則常淨照也論語曰山梁雌雉鄭注曰梁石絕水之梁也言彫刻鐫鑿皆人工所成也

## 雷乘法鼓樹積天

香嗽泉珉谷吹塵石床

法華經曰擊大法鼓燒衆名香法鼓鐘也維摩經曰坐香樹下

聞斯妙香地理志藍田谷出玉說文珉石之美者蘭中記曰嵩高山石室十餘孔有石床池水食飲之具集

靈真館藏仙冊府芝洞秋房檀林春乳

桓譚仙賦序曰華山下有集靈

宮漢武帝欲懷集仙者故名殿爲存仙門爲望仙穆天子傳曰先王之所謂策府郭注云藏書冊之府也漢書

有芝房歌佛經有梅檀林

冰谷銀砂山樓石柱異嶺共雲同峯別雨

華嚴經曰如日光出時無熱池中金沙銀沙一切寶物皆有日影于中顯見

冀城餘俗河西

舊風水聲幽咽山勢崆峒

隋書地理志天水郡冀城縣後周曰冀城郡國志曰隴西

郡河闌積石山在西南河水出秦川記龍頭歌有云隴頭流水鳴聲幽咽史記黃帝紀曰西至於崆峒應劭曰

山名韋昭曰在龍右法雲常住慧日無窮方域芥盡不變天宮

華嚴

經曰不壞法雲徧覆一切法華經曰慧日大聖尊久乃說是法剎蚪曰菩薩圓淨照均明兩故曰慧日王巾頭陀寺碑文曰映法雲于真際則火宅晨涼曜慧日于康衢則重昏夜曉維摩經曰乃見須彌入芥子中佛藏經曰四天下中普雨大石皆如須彌有人以手承接此石無有遺落如芥子者又云譬如劫盡大火燒時人以一唾能滅又以一吹還成世界及諸天宮樓炭經說天地理三災變天宮宮宮相拍碎如粉塵有僧伽風吹水在于空中自然變成光音天宮七寶所成是爲三災三復

# 終南山義谷銘并序

括地志云終南山一名中南山一名太一山一名南山一名橘山一名楚山一名泰山一名周

南山一名地肺山在雍州萬年縣南五十里

周保定二年歲次壬午七月己巳朔大冢宰晉國公書

云晉蕩公諡字胤保太祖之兄卻惠公顯之少子也拜大冢宰晉國公

命鑿石關之谷下

南山之材維公匡濟彞倫弘敷庶績燮理餘暇披閱山

經以爲終南敦物

禹貢曰終南敦物至於鳥鼠鄭康成曰地理志終南敦物皆在右扶風武

功也索隱曰按左傳中南山杜預以爲終南山地理志云太一山古文以爲終南華山古文以爲敦物皆在扶

風武功縣東敦物山

日月虧蔽柁幹栢椅桐梓漆

子虛

名漢書云無山也

賦曰岑蒼參差日月虧蔽張揖曰高山雍蔽日月虧缺半見也禹貢云柁幹栢椅師古曰柁木似櫓而實幹栢

也枯木栢葉而松身杞丑倫反枯古活反詩云椅桐梓漆

年代蘊積於何不有乃謀

山澤之官兼引衡虞之匠

周禮有山虞澤虞又云林衡若斬木材則受法於山虞而

掌其政令東出藍田則控霸乘漚

地理志京兆有藍田縣山出美玉有虎侯山祠秦孝

公置也灞水出藍田谷北入渭師古曰茲水秦穆公更

名以章霸功視子孫潘岳關中記曰涇渭灞漚鄠鎬漆

滴凡八川張揖曰灞水出藍田谷西

北入渭漚水出藍田谷至霸陵入灞西連子午則據涇

浮渭

辛氏三秦記曰子午長安正南也山名秦嶺谷名褒斜長安志曰王莽有意篡漢通子午道漢書王

莽傳曰莽以皇后有子孫瑞通子午道子午道從杜陵

直絕南山徑漢中師古曰子北方也午南方也言通南

北道相當故謂之子午耳今京城直南山有谷通梁漢

道者名子午谷又宜州西界慶州東界有山名子午嶺

計南北直相當北山是子南山是午共為子午道括地志云涇水源出原州百泉縣西南并頭山涇谷渭水源出渭原縣西七十六里鳥鼠山今名青

派別八溪流分

九谷

潘岳關中記曰涇與渭洛為關中三川與渭霸滄勞潘豐鎬為關中八水張衡東京賦曰濯龍芳林

九谷八溪薛綜曰九谷八溪養魚池按張衡所稱乃賦東京之事且又養魚池名此在西京必別有八溪九谷

如關中八水等名矣

銅梁四柱石關

一作

雙啓

一作聳蜀都賦注銅梁山在巴東石

關在漢中之西

青綺春門溝渠交映

黃圖曰長安城東出南頭第一門曰霸城門亦曰青

綺門洞冥記曰王夫人生武帝于綺蘭殿有青雀羣飛于霸城門乃改為青雀門更修飾刻木為綺檼雀去因

名青綺門綠槐秋市舟楫相通

潘岳懷縣作曰綠槐夾門植黃圖曰元始中起明堂列槐

樹數百行朔望持經書及當郡所出物於此賣買號槐市蓄之則爲屯雲泄之則爲

行雨

杜篤論都賦曰屯黑雲

青牛文梓白鶴貞松

郭氏玄中記曰萬歲樹精爲青

牛又曰秦文公造長安宮面四百里南至終南山山有梓樹大數百圍蔭宮中公惡而伐之連日不克輒大風雨夜有鬼問梓樹樹曰豈奈吾何鬼曰若使三百人披頭以繞樹豈不敗汝樹默然不應明日人言於秦王王依此言伐之有青牛逐之入澧州神境記榮陽郡有孤松千丈常有雙鶴晨必接翮夕輒偶影運以冥

宮崇斯雲屋千櫨抗殿龍首干雲

說文曰構櫨柱枅也西京賦曰疏龍首以

抗殿薛綜曰抗舉也潘岳闕中記曰未央宮殿皆疏龍首山土作之三秦記曰昔有黑龍從南山出飲渭水其

行道爲

萬頃疎苗蟬鳴再熟

易稽覽圖曰夏至後三十日極溫夏至景風生蟬始



鳴川后讓德山靈景從

洛神賦曰川后靜波

豈如運石甘泉纔通

櫟陽之殿

博物志曰始皇陵在驪山之北運取大石於渭北者歌曰運石甘泉口渭水爲不流地理

志櫟陽屬左馮翊黃

穿渠穀水直繞金墉之城

山海經曰傳山

之西有林焉曰墉冢穀水出焉東流至於洛述征記曰穀洛二水本於王城東北合流所謂穀洛闕也陸機洛陽記曰金墉城在宮之西北角魏故宮人皆在中

將事未勞爲功實重國富人

殷方傳千載因功立事敢勒山阿

張載劍閣銘曰勒銘山阿敢告梁益

曰

寥郭上浮崢嶸下鎮

楚辭曰下崢嶸而無地兮上寥廓而無天漢書師古注曰寥廓宏遠

也崢嶸  
深遠也

壁立千丈峯橫萬仞

張載劍閣銘曰壁立千仞

桂月危懸風

泉虛韻

按酉陽雜俎曰舊說月中有桂故云桂月風泉虛韻者言風籟泉聲俱成韻也

乘輿嶺

阪舉插雲根

西都賦曰荷插成雲銑曰插也張協詩曰雲根遊八極

八溪分注九

谷通源

八溪九谷注見本序

北函桐井南浮石門

魏文帝詩曰雙桐生空井山海

經曰積石之山其下有石門河水冒以西南流

模象大壯規繩百堵

周易曰上古穴居野

處而聖人易之以宮室上棟下宇以待風雨蓋取之膠

葛九成徘徊千柱

吳都賦曰東西膠葛李善曰膠葛長遠貌魯靈光殿賦曰層曲九成酉陽

雜俎云閭摩那婆羅第二樹中有千柱殿

桂棟凌波栢梁乘雨

三輔黃圖甘泉宮南有昆

明池池中有靈波殿以桂爲柱風來  
自香三輔舊事栢梁以香栢爲梁也  
疏川奠谷落實摧

柯事均刊木功侔鑿河  
禹貢曰隨山刊木又曰道河積

自積石起鑿山穿地以  
通其流至龍門山也

思舊銘 并序

思舊銘者悼梁觀寧侯蕭永作也觀寧之卒王  
褒有送葬之詩子山著思舊之銘昔向秀山陽  
聞笛感音而賦子山與蕭王二君同時羈旅是  
篇皆其鄉關之思及褒薨信作詩云惟有山陽  
笛悽余思舊篇謂斯銘  
也蕭永注見本序

歲在攝提星居監德

一作  
鷄首

梁故觀寧侯蕭永卒

爾雅曰  
太歲在

寅曰攝提格天官書曰以攝提格歲陰左行在寅歲星  
右轉居丑正月與斗牽牛晨出東方名曰監德一作鶉  
首者月令鄭注曰仲夏者日月會于鶉首而斗建午之  
辰也帝王世紀曰自井十六度至柳八度曰鶉首之次  
於律爲蕤賓斗建在午依監德文永卒當在寅年正月  
依鶉首文當在寅年五月按下文爲羈終歲門人謝焉  
至於東首告辭西陵長往是觀寧之羈綈長安不過年  
餘大約承聖以後周明帝二年歲次戊寅此云歲在攝  
提當是戊寅年卒也梁故觀寧侯蕭永鄱陽王範弟也  
觀寧梁時所封爲故侯也梁鄱陽王傳云復遣其弟觀  
寧侯永將兵通南川助莊鐵按鄱陽王恢有男女百人  
男封侯者三十九人梁朝宗室甚多於範稱其弟當是  
忠烈王之子也南史周敷傳云敷性豪俠輕財重士侯  
景之亂敷至豫章時梁觀寧侯蕭永等避難流寓聞敷  
信義皆往依之敷慰其危懼屈體崇敬厚加給卹送之  
西上按此知永亦西上江陵及元帝敗後與庾信王褒

同時羈旅當亦

隨例入關者也。嗚呼哀哉人之戚也。既非金石所移。古

云人壽非金石

豈能長壽考。士之悲也。寧有春秋之異。

淮南子曰。春女思秋。士悲。

高臺已傾。稷下有聞琴之泣。

桓譚新論曰。雍門周以琴

有所常悲。夫角帝而因秦者。君也。連五國而伐楚者。又君也。天下未嘗無事。不從即衡。從成則楚。王衡成則秦。帝天以秦楚之疆。而報弱薛。猶磨蕭斧而伐朝菌也。有識之士。莫不爲足下寒心。天道不常。盛寒暑更進退。千秋萬歲之後。宗廟必不血食。高臺既已傾。曲池又已平。墳墓生荆棘。狐兔穴其中。游兒牧豎。踰其足而歌。其上曰。孟嘗君之尊貴。亦猶是乎。於是孟嘗君喟然太息。涕淚承睫。而未下。雍門周引琴而鼓之。徐動宮商。叩角。羽終而成曲。孟嘗君遂歛歔而就之。

曰。先生鼓琴。令文立若亡國之人也。壯士一去燕南。有擊

筑之悲

史記曰荆軻愛燕之屠狗及善擊筑者高漸離日與飲於燕市太子丹使荆軻獻督亢地圖於

秦太子送之易水高漸離擊筑荆軻和而歌曰風蕭蕭分易水寒壯士一去不復還荆軻敗後高漸離變名姓為人庸保匿作於宋子聞其家堂上客擊筑高漸離乃退出其匣中筑擊筑而歌客爲流涕宋傳客之聞於秦始皇始皇使擊筑未嘗不稱善稍益近之高漸離乃以鉛置筑中復進得近舉筑扑秦皇帝不中遂誅高漸離終身不近諸侯之人索隱曰筑似琴有絃用竹擊之取以爲名

項羽之晨起帳中李陵

之徊徘徊路

史記項羽晨起帳中歌曰力拔山兮氣蓋世漢書曰李陵字少卿武帝天漢二年爲

騎都尉出居延至浚稽山與匈奴相值戰敗降匈奴爲右校王李陵與蘇武詩云徘徊踟躕路側恨恨不能辭

韓王孫之質趙

韓王孫韓公子也按史記韓宣惠王十一年君號爲王故云王孫淮陰侯傳漂

母曰吾哀王孫而進食蘇林曰如言公子也索隱曰劉德云秦末多失國言王孫公子尊之也按失國猶稱王孫是韓之公子得稱王孫矣按國策世家無韓公子質趙之事疑即質秦史記曰韓王絕秦十九年大破我岸門太子倉質於秦以和秦與趙同祖後始楚公子之留皇生於趙城因姓趙氏秦趙或可通稱耶

秦

史記曰楚頃襄王使黃歇與太子完入質於秦秦留之數年楚頃襄王病太子不得歸

無假窮

秋於時悲矣

宋玉曰悲哉秋之爲氣也

況復魚飛武庫預有棄甲之

徵

魏志曰嘉平四年夏二月魚二見於武庫屋上十一月詔王昶等征吳十二月吳大將軍諸葛恪拒戰大

破衆軍於東關不利而還又王肅傳曰有二魚長尺集於武庫之屋有司以爲吉祥肅曰魚生於淵而亢于屋

介鱗之物失其所也邊將其殆有棄甲之變乎其後果有東關之變

鳥伏翟泉先見橫流

之兆

晉書五行志曰洛陽步廣里地陷有蒼白鷺出蒼者飛翔冲天白者止焉陳留董養嘆曰步廣周之

望衆盟會地也白者國譚蒼者胡象自後有劉洲之亂

星紀吳亡庚辰楚滅

左傳昭三

十二年曰吳伐越晉史黯曰不及四十年越其有吳乎越得歲而吳伐之必受其凶杜預曰此年歲在星紀星紀吳越之分也有亡之數不過三紀歲星三周三十六歲故曰不及四十年哀公二十二年越滅吳又定四年

傳曰吳楚戰於柘舉楚師敗績庚辰吳入郢以班處宮

紀侯大去郕子無歸

左傳莊四年曰

紀侯不能下齊以與紀季夏紀侯大去其國違齊難也世本云紀姜姓國伯爵也杜預曰紀國在東莞縣又昭

十八年傳曰郕人藉栢邾人襲郕遂入之盡俘以歸郕子曰余無歸矣世本云郕姁姓國也杜元凱曰郕國今

琅邪開陽縣郕音商許慎郭璞皆音矩國名

原隰載馳轅轅長別

詩曰於彼原隰又衛



風曰載馳載驅左氏傳曰許穆夫人賦載馳杜預曰夫人痛衛之亡思歸唁之不可故作詩以言志東京賦曰

邪徑捷乎輶輶薛綜曰輶輶阪名也

甲裳失矣餘皇棄焉

左傳宣十二年邲之戰云趙旃

棄車而走林屈蕩搏之得其甲裳又昭十七年曰楚人大敗吳師獲其乘舟餘皇杜預曰餘皇舟名

河傾

酸棗杞梓與檇櫟俱流

漢書曰漢興三十有九年孝文時河決酸棗東賸金隄大發卒

塞之班固云文堙酸棗武決瓠歌是也水經注曰今無水史記正義曰酸棗屬滑州黃河南岸地述異記曰昔

舊記周秦間河南雨酸棗遂生野棗今酸棗縣是也左氏傳曰杞梓皮華詩小雅四牡云集于苞杞爾雅云枸

杞櫟郭云今枸杞也陸璣疏云一名苦杞一名地骨又爾雅云倚梓郭云即楸陸璣疏云楸之疏理白色而生

子者爲梓詩云山有檇爾雅云檇山檇陸璣云山檇與田檇略無異葉似差狹耳吳人以其葉爲茗詩秦風云

山有苞櫟爾雅云櫟其實栝陸璣云秦人謂  
炸櫟爲櫟河內人謂木蓼爲櫟椒櫟之屬也  
海淺蓬萊

### 魚鼈與蛟龍共盡

列子曰渤海之東有大海焉其中有  
五山一曰蓬萊隨波上下往來不得

暫時山海經曰蓬萊在海中神仙傳麻姑曰向到蓬萊  
又水淺于往日會時畧半耳說文曰魚水蟲也按爾雅  
龜鼈之類總名釋魚以皆水類也王逸楚辭注曰小曰  
蛟大曰龍言河傾則諸木並流海淺則衆類俱盡以喻

國破則智愚賤並遭其難也

### 焚香複道詎飲遊魂

述異記曰聚窟洲有返魂樹伐其根

心於玉釜中煮取汁又熬之令可丸名曰驚精香或名  
震靈丸或名返生香或名却死香死尸在地聞氣即活  
博物志云漢武帝幸上林苑西使至桑輿間并奏其香  
帝付外庫後長安中大疫西使乞見請燒所貢香一枚  
以辟疫氣帝不得已聽之病者登日並差長安中百里  
盛聞香氣芳積九十餘日香猶不歇漢書叔孫通傳曰

惠帝爲東朝長樂宮作複道方築高帝廟南叔孫通曰  
陛下築複道高帝寢衣冠月出遊高廟子孫奈何乘宗  
廟道上行哉惠帝懼曰急壞之通曰人主無過舉今已  
作百姓皆知之矣願陛下爲原廟益廣宗廟大孝之本  
又成帝紀云元帝即位成帝爲太子上嘗召太子出龍  
樓門不敢絕馳道西至直城門得絕乃度三輔黃圖曰  
桂宮周迴十里有複道橫度西至神明臺按上下有  
道曰複複音復複道即馳道也周易曰遊魂爲變焚香  
是漢代事是以西域表月支之獻南海置浯陽之尉漢  
帝出警遂置複道焚香以辟惡氣此云焚香複道詎欲  
遊魂者即聚窟洲

載酒屬車寧消愁氣

東方朔別傳曰武帝幸甘泉長

震靈運魂之類也

平坂道中有虫赤如肝頭目口齒悉具驅還以報上使  
視之莫知之時朔在屬車中令往視焉朔曰此謂怪哉  
是必秦獄處也上使按此圖果秦獄地上問朔何以知  
之朔曰夫積憂者得酒而解乃取虫置酒中立消賜朔

帛百匹後屬車上盛酒爲此也漢書揚雄傳曰是時趙昭儀方大幸每上甘泉常法從在屬車間豹尾中服虔曰大駕屬車八十一乘作三行尚書御史乘之最後一乘縣豹尾以前皆爲省中又遊俠陳遵傳云揚雄酒箴曰鴟夷骨殖腹大如壺盡日盛酒人腹階酤常爲國器託于屬車出入兩宮經營公家由是言之酒何過乎師古曰天子屬車常載酒食故有鴟夷也

芝蘭蕭艾之秋形殊而共瘁羽毛

鱗介之怨聲異而俱哀

楚辭曰何昔日之芳草兮今直爲此蕭艾也淮南子曰紫芝蕭

艾俱死世說曰毛伯成既負其才氣常稱寧爲蘭摧玉折不作蕭敷父榮張衡西京賦曰所好生毛羽所惡成瘡痂淮南子曰毛羽者飛行之類也故屬乎陰所謂天乎乃曰屬乎陽介鱗者蟄伏之類也故屬乎陰

蒼蒼之氣

詩黍離云悠悠蒼天彼何人哉毛傳遠視之蒼蒼然則稱蒼天莊子曰天之蒼蒼其色正

耶爾雅曰春為蒼天穹蒼蒼天也郭注天形穹隆其色蒼蒼因名言天道無知也所謂地乎其

實搏搏

一作博

之士

楚辭曰藥精氣之搏搏兮王逸曰楚人名員曰搏也搏佐官切言地亦塊

然無知也一作博博者潛夫論云昔樂毅以博博之小燕破齊怨之徒也何能感焉言遭

此亂世智愚同盡呼天搶地怨之至也周殘殺翮無所假於風颺零落春

枯不足煩於霜露幕府初開賢俊翹首為羈終歲門人

謝焉

後漢書蔡邕薦邊讓於何進曰伏惟幕府初開博選清英華髮舊德並為元龜

至於東首

告辭西陵長往

禮記喪大記曰疾病寢東首於北牖下西陵魏武帝墓魏武遺令曰時時望吾

西陵墓田山陽車馬望

一作永

別郭門

向秀笛賦曰隣人有吹笛者發聲寥亮追想疇

昔遊宴之好感音而嘆故作賦云

潁川賓客遙悲松路

漢書灌夫傳曰宗族賓客爲權

利橫潁川夫家居卿相侍中賓客益衰

嵇叔夜之山庭尚多楊柳

文士傳曰嵇康

家有盛柳樹乃激水以圍之夏天甚清涼恒居其下做戲述征記曰山陽縣城東北二十里魏中散大夫嵇康

園宅今悉爲邱墟而父老猶謂

王子猷之舊徑惟餘竹

嵇公竹林地以時有遺竹也

林

世說曰王子猷嘗暫寄人空宅住便令種竹或問暫住何煩爾王嘯咏良久直指竹曰何可一日無此君

王孫葬地方爲長樂之宮

史記曰樗里子名疾秦惠王異母弟也昭王七年樗里子

卒葬於渭南章臺之東曰後百歲是當有天子之宮矣我墓至漢興長樂宮在其東未央宮在其西武庫正直其墓正義曰漢長樂宮

烈士埋魂即是將軍之墓

烈士傳曰

在長安縣西北十五里

羊角哀左伯桃二人爲死友欲仕於楚道阻遇雨雪不得行飢寒自度不俱生伯桃謂角哀曰俱死之後骸骨莫收內手捫心知不如子生恐無益而棄子之能我樂在樹中角哀聽之伯桃入樹中而死楚平王愛哀角之賢以上卿禮葬伯桃角哀夢伯桃曰蒙子之恩而獲厚葬正苦荆將軍冢相近今月十五日當大戰以決勝負角哀至期日陳兵馬詣其冢作三桐人自殺下而從之

昔嘗歡宴風月留連追憶

生平宛然心目及乎垂翅秦川關河羈旅降乎悲谷之

景實有憂生之情

淮南子曰日至於悲谷是謂晡時

美酒酌焉猶思建

業之水

晉書五行志曰孫皓初童謠曰寧飲建業水不食武昌魚

鳴琴在操終思華

亭之鶴

晉書陸機曰華亭鶴唳豈可復聞乎

重爲此別嗚呼哀哉麟亡星

落月死珠傷

春秋運斗樞曰衡星得則麒麟生萬人壽  
呂氏春秋曰月望則蚌蛤實羣陰盈月晦

則蚌蛤虛羣陰缺

瓶罄罍恥芝焚蕙歎

詩小雅蓼莪云瓶之罄矣惟罍之恥注云瓶小

而罍大也罄盡也淮南子曰紫芝與蕭艾俱死陸機傷逝賦曰嗟芝焚而蕙歎

所望鐘沉德水

聲出風雲

史記封禪書曰昔秦文公出獵獲黑龍此其水德之瑞於是秦更命河曰德水音上大呂

劍沒豐城氣存牛斗

雷渙別傳曰煥字孔章鄱陽人司空張華夜見異氣起牛斗問煥見

之手煥曰此謂寶劍氣華以煥為豐城令煥至縣移獄掘地三十餘尺得青石函一枚中有雙劍文采甚明煥

取南昌西山黃白土用拭劍光鮑照耀乃送一劍與華自留一劍華使以華陰赤土一觔送與煥煥得土磨劍

鮮光愈亮及華誅劍亡後煥子爽帶劍經延平津劍無故墮水見二龍長數丈光采微發曜日映川

潜然





揚州臨葬云埋王樹著土中使人情何能久之又曰王東亭亡後王敬道與會稽王道子書曰元琳風流之美

公私所寄忽爾喪

荀伯

卿一作

舊縣慶封餘邑

荀伯藝文類聚作荀

失豈惟風流相悼

卿史記曰荀卿適楚春申君以爲蘭陵令春申君死荀卿因家蘭陵左傳襄二十八年慶封奔吳吳句餘子之

未方杜預曰朱方吳邑地理志丹徒師古曰即春秋朱方也蕭子顯齊書曰蕭氏之先蕭何孫侍中彪居東海

蘭陵晉分東海爲東蘭陵中朝亂淮陰令慙過江居晉陵武進縣僑置本土加以南名爲南蘭陵人按齊梁俱

淮陰令後永爲宗室朱方漢之丹徒魏曰武進晉置蘭陵是蘭陵本荀卿舊縣南蘭陵又爲慶封餘邑也萬

里歸魂脩門詎入

楚辭魂兮歸來入修門注云修墳橫

門郢城門言不能魂歸蘭陵也

一作武庫山枕蘆龍

史記樗里子墳武庫正直其墓魏志田儔傳曰舊北平郡治在平岡

城連

道出蘆龍思歸道遠返葬無從徒留送雁空靡長松雁送

連于柳城蘓武事長松東平思王事劉峻所謂東平思樹望咸陽而西靡徒留空靡傷其不能復歸也

平陵之

東無復梧桐

崔豹古今注曰平陵東翟義門人所作也王莽殺義義門人作歌以怨之歌曰平陵

東松栢不知何人劫義公仲長子昌言曰古者之葬用松栢梧桐以識其墳也平陵漢屬右扶風

松聲

蕭瑟長起秋風

吳越春秋曰富貴之於我如秋風之過耳

疇昔隆貴提攜語

默

疇昔以下言與信舊交也左傳杜注曰疇昔猶前日也禮記鄭注曰提攜謂牽將行易曰或語或默

託情嵇阮風雲相得

嵇阮嵇康阮籍也

有酒如澠終溫且克

左傳

有酒如澠有肉如陵詩云人之齊聖飲酒溫克

朝陽落鳳大野傷麟

傷觀寧侯之卒也詩

云鳳凰鳴矣於彼高岡梧桐生矣於彼朝陽家語孔叢  
子曰叔孫氏之車子鉏商樵於野而獲麟焉衆莫之識  
以爲不祥棄之五父之衢冉有告曰魯身而肉角豈天  
之妖乎夫子往觀焉泣曰麟也麟出而死吾道窮矣乃  
歌云唐虞世兮麟鳳遊今非其時來何求麟兮麟兮我心憂  
佳城鬱鬱流寓於秦

獨異

志曰漢書夏侯嬰以功封滕公及死將葬未及墓引車  
馬踏地不前使人掘之得一石室室中有銘曰佳城鬱  
鬱三千年見白日吁嗟滕公居此室遂改卜焉山陽相送  
惟餘故人

注見本序 嬌機

嫠緯獨鶴孤鸞

左傳嫠不恤其緯陶潛詩上絃驚別鶴下絃操孤鸞

閨深夜靜風

高月寒生平已矣懷舊何期

潘岳作懷舊賦

匣中絃絕隣人笛

悲

文士傳曰嵇康臨死取琴調之爲太平引曲成歎息曰太平引絕於今日耶康別傳曰袁孝尼嘗從吾學

廣陵散吾每靳之廣陵散於今絕矣謝莊宋武宣貴妃  
誅曰匣有遺絃李善注匣琴匣也隣人笛悲向秀事注

見本

序 昔爲幕府今成總帷 禮記鄭注曰凡布細而疎者  
謂之總今南陽有鄧總總音

歲謝朓銅雀臺詩  
曰總帷飄井幹

玉帳山銘

一作東宮  
玉帳山銘

玉帳山以下梁宮中之小山也一本玉帳山及  
下行雨山並有東宮二字梁簡文集中有明月  
山銘行雨山銘知以下諸銘中大通三年  
後簡文爲太子時隨侍東宮之所作也

玉帳寥廓崑山抵鵲

淮南子曰崑山之玉填而塵垢弗  
能汚也高誘曰崑山崑崙也鹽鐵

論曰崑山之旁  
以玉璞抵鳥鵲

總葉成帷連雲

一作枝  
一作珠

起幕

陸機招隱  
詩曰密葉

成翠幄周禮鄭注曰在旁曰帷在上曰幕歸藏啓室曰昔者女媧氏張雲幕

玉策

一作藥

難移

金花不落

山海經曰黃帝取密山之玉策投之鍾山之陰鄴中記曰帳頂安金蓮花此以山名玉帳

故隱士彈琴仙人看博

神仙傳曰孫登善彈一絃琴風俗通曰漢武帝與仙人對博碁

沒石中馬蹄迹處於今尚存曹植詩仙人攬六箸對博泰山隅

巖留舊鼎竈聚新荆

一作

雲上新荆史記曰黃帝鑄鼎于荆山南越志曰長沙郡

瀏陽縣東有王喬山山有合丹竈別賦云守丹竈而不

顧鍊金鼎而方堅此云煮石初爛燒丹欲成

陶弘景真誥曰斷穀

鼎及竈者金鼎丹竈也

煮石初爛燒丹欲成

入山當煮食白石昔白石子者以石爲糧故世號曰白石生此至人也今爲東府左仙鄉

桑田屢變

一作海水頻盈

一作傾神仙傳麻姑謂王遠曰接待以來已見東海三爲桑田向到蓬萊又水

淺於往日會時畧半耳豈將復爲陸乎  
遠嘆曰聖人皆言海中行復揚塵也  
長聞鳳曲永聽

蕭聲

列仙傳曰蕭史日教弄玉作鳳鳴一旦隨鳳飛去秦人爲作鳳女祠於雍宮中時有蕭聲

吹臺山銘

江寧吹嶺雖山出筠秦簫下鳳此岫爲真

晉書地理志曰丹陽郡江

寧太康二年分建鄴置丹陽記曰江寧縣南四十里有慈母山積石臨江生簫管竹王褒洞簫賦所稱即此也其竹圓緻異于衆處自伶倫採竹解谷其後惟此竚見珍故歷帝給樂府而俗呼曰鼓吹山雖山出筠未詳禮記曰如竹箭之有筠也列仙傳曰蕭史者秦穆公時人善吹簫穆公女弄玉好之公妻之一旦隨鳳飛去言秦人吹簫築臺不如吹臺之  
青槐避日朱草司  
一作晨爾  
山自然得名者爲真也

曰懷槐守宮槐葉蜚而夜抗大載禮記曰朱草  
日生一葉至十五日已後日落一葉周而復始 石名

### 新婦樓學仙人

蜀記曰梓桐縣有五婦山昔秦遺蜀五  
美人皆化爲石又臨海記云新婦山土

石悉綠色似人形漢武故事曰公孫卿言仙人好樓居  
不極高顯神終不降也于是上於長安作飛廉觀高四  
十丈於甘泉作 吳中字玉城南姓秦 一作中字玉成南  
廷壽亦如之 君姓秦搜神記曰

吳王夫差小女名玉悅童子韓重欲嫁之不得乃結氣  
而死重遊學歸知之往弔于墓側玉形見顧重延頸而  
歌云南山有鳥北山張羅意欲從君讒言孔多悲結成  
疹沒身黃壚命之不造冤如之何羽族之長名爲鳳凰  
一日失雄三年感傷雖有衆鳥不爲匹雙故見鄙妾逢  
君輝光身遠心近何曾暫忘古詩曰日出東南隅照我

秦氏 比花依樹登榭要春 楚辭注曰無木謂之榭 舞能留客



一作容

聲便度新雕梁數振

一作速

無復輕塵

七畧曰漢興善歌者魯人

虞公發聲動梁上塵

望美人山銘

一作後堂望美人山銘

高唐礙石

一作雨

洛浦無舟

宋玉高唐賦曰昔者先王嘗遊高唐倦而晝寢夢見一婦

人曰妾巫山之女也爲高唐之客聞君游高唐願薦枕席王因幸之曹植洛神賦曰河洛之神名曰宓妃又云

御輕舟而上泝

何處相望山邊一樓峯因五婦石是三侯

述異記曰

秦惠王獻五美女於蜀王王遣五丁迎之乃見大蛇入山穴中五丁曳蛇山崩五女上山皆化爲石南中志曰

有竹王者興於邕水有一女浣於水濱有三節大竹流入女子足間推之不肯去聞有兒聲取持歸破之得男

兒長有才武遂雄夷漢以竹爲姓捐所破竹於野成林  
今竹王三郎是也王與從人嘗止大石上命人作羹從  
者曰無水王以劍擊石水出今王水是也破石存焉武  
帝拜唐蒙爲都尉以重幣喻諸種侯王斬竹王置牂柯  
郡以吳霸爲太守後夷漢以竹王非血氣所生求立後  
嗣霸表封其三子列侯配食父祠與竹王三郎是也

發踰地肺危陵天柱

高士傳曰四皓隱於地肺山秦記云志曰終南山一名地肺山

終南又名地肺又真誥曰金陵之地也方三十七頃是金陵之地肺也爾雅霍山爲南嶽郭云天柱山潛水所出也地理志云天柱在廬江潛縣又王子年拾遺記云崑崙之山有銅柱焉謂之天柱

禁苑斜通

春人常

一作恒

聚樹裏聞歌枝中見舞恰對妝臺諸牕晝

一作開斜看已識直一作試喚便迴豈同織女非秋不來

星經曰織女三星在天市東常以七月一月六七日見東方荆楚歲時記曰七月七日爲織女牽牛聚會之夜

### 至仁山銘

峯橫鶴嶺水學龍津

豫章記曰鸞岡西有鶴嶺王子喬控鶴所經三秦記曰河津一名龍

門兩旁有山水陸不通龜魚不能上江海大魚薄集龍門不得上曝腮水次也

瑞雲一片仙童

兩人

洞冥記東方朔云東海有大明之壚有釜山山出瑞雲應王者之符命如黃帝黃雲堯時有赤雲之

祥之類魏文帝詩曰西山一何高高上無極上有兩仙童不飢亦不食與我一丸藥光耀有五色服藥四五日身輕生羽翼三秋雲薄九日寒新真花暫落畫樹長春橫石

臨砌飛簷枕嶺壁繞藤苗牕銜竹影菊落秋潭桐疎寒

井

陸機要覽曰南陽山中有甘谷谷中皆菊花墮水中居人飲之多壽有及一百五十有餘歲魏文帝詩曰

雙桐生空井

仁者可樂將由愛靜

### 明月山銘

梁簡文帝有明月山銘其詞曰迢遞峯長威行嶽聚既正書門兼同天柱非競小山寧淪大庾豈學土龍詎須石鼓緞色斜臨霞文橫豎是銘簡文時同作也

竹牕標嶽四面臨虛山危簷迥葉落牕疎看椽有笛對

樹無風

蔡邕長笛賦序曰邕避難江南宿之柯亭柯亭之館以竹爲椽邕仰而盼之曰良竹也取以爲

笛竒聲獨絕管輅別傳曰輅與倪清河既刻雨期言樹上已有少女微風

風生石洞雲出山

根盛弘之荊州記曰宜都狼山縣有山山下有穴大數尺爲風井博物志曰山澤通氣以興雷雲氣觸石膚

寸而合不崇朝以雨陸機感時賦曰疑行雨于雲根霜朝唳鶴秋夜鳴猿周處風土記曰

白鶴夜警至八月露降則鳴蜀本紀曰蜀王秀所立三峽明月峽巴峽巫峽荊州記巴東三峽巫峽長猿鳴三

聲淚沾裳此云鳴猿以山堤梁似堰野路疑村船橫埭下名明月若巴東三峽矣

樹夾津門寧殊華蓋詎識桃源西京雜記曰終南山有樹直上百尺如車蓋亦

云華蓋樹述異志曰武陵源在吳中山盡生桃李俗呼桃李源上有石洞世傳秦末喪亂吳中人於此避難食

桃李者皆得仙

行雨山銘

一作梁東宮行雨山銘

梁簡文帝行雨山銘曰巖畔途遠河曲路深猶  
云息馭尚且抽琴茲峯獨擅巖崎千變卻繞畫  
房前臨寶殿玉岫開華紫水迴斜谿開聚葉澗  
裏紫沙月映成水人來當花樹結如帷磧起成  
基芝香馥還石鏡臨墀  
是銘亦簡文時同作也

山名行雨地異陽臺

高唐賦曰旦爲朝雲暮爲行雨朝朝暮暮陽臺之下

佳人無

數神女羞

一作來看來

宋玉神女賦曰楚襄王夢與神女遇其狀甚麗

翠幔朝開新

妝旦起

劉公幹齊都賦曰翠幄浮遊

樹入床頭

一作前

花來鏡裏草綠

一作

衫同花紅面似開年寒盡正月遊春俱除錦帔併

脫紅綸

沈約詩云紅綸映早寒庾肩吾詩云粉白映綸紅子山和趙王美人春日詩亦云紅綸帔角料

或云婦女所執暖扇之類

天絲劇藕蝶粉生

或多作塵

天絲即遊絲道書云蝶交則粉

退言行雨山遊絲想折藕飛蝶擬香塵若有人也

橫藤礙路弱

一作垂

柳低人誰

言洛浦一箇河神

洛神賦曰河洛之神名曰宓妃

### 刀銘三首

風伯吹鑪雨

一作雲

師煉冶

高誘淮南注曰風伯箕星雨師畢星張協七命曰飛廉扇

炭風俗通及王逸楚辭注並云飛廉風伯也吳越春秋曰薛燭善相劍王取純鉤示之薛燭曰臣聞王之初造此劍赤堇之山破而出錫若耶之溪涸而出銅雨師洒道雷公發鼓蛟龍捧爐天帝莊炭太一下觀於是鍛冶子曰天地之精鐵焰朝流金精夜下吳越春秋薛燭曰悉其伎巧矣

理至本  
不逆

價重十城名高千馬

吳越春秋越王曰客有買此劍者有市之鄉駿馬千

匹千戶之都其可與手薛燭曰雖傾城量金珠玉不可與況駿馬萬戶之都乎

千金穎合百鍊

鋒成

呂氏春秋曰伍員逃楚至江見一丈人刺船渡之員解劍與之曰此劍其值千金崔豹古今注吳大

帝有寶光連斗氣燄動山精

吳越春秋伍子胥曰此劍有七星北斗文豫章記曰

吳未亡時恒有紫氣見於牛斗之間雷孔章曰是寶劍之精上徹於天耳吳越春秋曰干將作劍采五山之鐵

精身文水動刃古珠生

越絕書風胡子曰欲知泰阿觀其鉞巍巍翼翼如流水之波欲

知工布鉞從文起至脊而止如珠不可衽文若流水不絕山海經注曰鮫魚皮有珠文而堅可以飾劍口

斗精遙降山靈下從

斗精疑即豐城劍氣光于牛斗者也又吳越春秋子胥云此吾前君



之劍中有七星文按北斗七星此為斗精矣山靈若管子所謂葛盧山發而出金吳越春秋赤堇山破而出錫是水文千曲蛇鱗百重也水文即風胡子所云文若流水也注見上蛇鱗若傳玄歌辭所

謂鏤象

龍螭矣燕砥斂刃蜀水開鋒

莊子曰天子之劍以燕谿石城為鋒音義曰燕谿地

名在燕國石城在塞外司馬曰劍刃也蒲元傳云君性

多奇思得之天然為諸葛亮鑄刀三千口鎔金造器持

異常法刀成言漢水鈍弱不任淬礪蜀江水夾烈是謂

大金之元精天分其野乃命人於成都取之水既至君

以淬刀言雜涪水不可用取水者猶悍言不雜君以刀

畫水云雜八升何故言不雜取水者叩首曰實於涪津

渡覆水懼怖以涪水八升益氣生分景環成屈龍

典論曰魏太子

之於是咸共驚服稱為神妙

不造寶劍色似采虹光似流星名曰飛景夏書曰赫

連勃勃造百鍊剛刀為龍雀大環號曰大夏龍雀




庾子山集卷十二

謹案卷十一第十九頁前二行畧書梗槩刊本脫  
緊字據庾開府集增

卷十二第二十四頁前一行南陽山中有甘谷刊  
本南訛酉據風俗通改

第二十五頁前七行俱除錦帔刊本帔訛陂據庾  
開府集改





總校官進士臣胡榮

校對官助教臣金學詩

謄錄監生臣張同巽